

四庫全書

史部

欽定四庫全書

史部

欽定八旬萬壽盛典卷三

四

詳校官國子監學正臣常循

欽定四庫全書

八旬萬壽盛典卷三

宸章

三

乾隆五十一年

皇上聖壽七十六

御製詩文

丙午元旦

踐阼已周大衍數得年七十六身康敢因蒞久忘無逸

惟是體乾最自強百歲休和致豈易萬民衣食計猶長  
以茲日慎日增惕肯作虛言襲慶當

新正重華宮

青宮吉語仰新春萬寓顯希福輾轉大衍數周開歲表

今為五  
十一年 同堂代五荷

天申東朝頤彼待一九

寧壽宮在乾清宮之左侍歸政  
頤老尚餘九歲亦可稱東朝矣

雖戲談  
誠佳話

此室居之閱六旬

予自十二歲入居毓慶宮十  
七娶皇后始居此重華宮建

今六十  
年矣

設曰重華顧名義瞠乎後矣愧惟真

題抑齋

重華東壁圖書架

重華宮之兩廂東為古香齋貯古今圖書全部西為抑齋皆向時所題名

也

戶對西齋翰墨茵憶昔窮經資饜飫即今勤政敢逡

巡

右壇祈歲速齋日

將祀壇因進宮

社稷齋戒

左殿崇文集講臣

太和

殿之左為文華殿

乃進講所御擬於二月初六日行經筵禮

賜宴命教歌抑戒

經筵後例

賜講官宴而無樂侑席茲特命樂工歌大雅抑戒之章遂以為例子於清暇亦時命歌以聽之且自戒也

老

來最欲武公循

啟蹕幸避暑山莊之作

昨經

方澤致虔衷啟蹕應臨避暑宮惟是撫綏法

皇祖非因游豫暢吾躬送鑾萃已盈百辟策馬勤猶望  
八翁董子曾云在勉強外王內聖要胥同

靜坐齋中偶爾成詠

幾餘無事齋中坐忽忽七旬望八旬雖未凍梨速耄耄  
且欣碩果且精神不為疲樂此弗倦恒以德新其又新

祇擬十年歸政後息肩方可作閒人

讀易

五十仍過廿五年幾閒讀易慕韋編凶和悔吝吉占少  
亨與利貞元統全進退存亡知守正玩辭觀象佑從  
天夫包含廣矣大矣切己一言曰體乾

乾隆五十二年

皇上聖壽七十七

御製詩

丁未元旦

五旬有二紀年始久敬益深勅念中嘉爆聲聲鳴達曙  
祥曦昉昉朗昇東春秋望八餘三載宵旰勤民最一躬  
盥漱辦香無別冀虔虔惟是祝綏豐

元旦試筆

長律元朝率詠三

自甲子歲每元旦必有試筆詩而自  
自乙亥以後率為長律二首共元旦

為三

三元應律迓禧覃始終將速成增懼政治敢云久

所諳昨歲賀正罷餘惕

去歲元旦以辰弗  
集罷行賀正禮

新春言吉兆



欣探 宴亦識持者挾綏屢頻求不識慙

慈寧停賀週十載

層殿西瞻意不舒過隙白駒真迅爾如傷黎獻每塵予

古稀天子元孫兩

歲前又得一元孫女

丁未乾隆吉旦初欲去陳

言猶夏夏銀箋試筆又成書

### 新正重華宮

青宮花甲歲週諳

雍正丁未予年十七始居重華宮至今歲丁未正六十年

襲慶何

非

帝澤覃十一世茲親見七

前歲得元孫載錫因命查太祖長子褚英支派下于

載字輩下又得一輩因賜命奉奉壽為十一世而予逮事皇祖皇考下見皇子皇孫皇曾孫皇元

孫是親見七世矣仰蒙眷錫慶蕃昌實為古所未有

天八旬壽逮近餘三

予今年七

十有七閱三年即為八旬正壽夙願乾隆六十年歸政則為八旬有六矣茲尚孜孜自勵不敢少懈敬勤耳

聯茵東壁開文燕迓至初正賦雅談舊什親題遍楣枳  
不渝一敬祝農蠶

古香齋有感

到處書齋古古香取名六十一年長

予自雍正五年移住重華宮即以東

廟為古香齋踐阼後凡御園山莊佳處無不以是為名屈指六十一年矣幾曾書史得真味

祇覺昔今度幻光修已蓬心惟有愧治人蒿目更無方

對時又值春和候漢詔勤民那可忘

漢文帝以方春和時下詔勤民即周

禮始和布令之意茲每於歲前馳論各督撫咨詢民隱新正降旨施惠亦猶西京遺意也

題彭元瑞撰皇極殿燈聯詞

有序

寶柱簇行行綵勝製昉乾清繡幡先面面華燈慶

長寧壽

乾清宮燈柱樹於臘月廿四日即每日綴燈聯至歲除日換燈收聯此舊例也

俟八載方臨茲御而萬事貴豫以成勦集吉語於

王春用表祥祀於皇極爰咨內翰聿奏聯詞其惟  
瑞簪朶殿之毫久經予納大鈞之鑄成文來上省  
覽載嘉體以偶連裁廿言而雲屬辨由位正動八  
方以風行十六聯務去陳言五十年胥臚實政曷  
克臻此賴

天恩

祖德之貽是惟艱哉皆旰食宵衣所致語有徵而可信  
思取巧而不佻異宋宮內禪之三盛真稀古駕明

製虛詞之耦事必因時

乾清宮燈聯仍明代翰臣所擬不過點竄燈節虛詞

巽元瑞此聯遠甚

什以弁吟書宜表卷屬辭泰陞較富張

說之七言述職明廷實殊章懋之一疏屈指籌開

八表建竿生靄靄之春盟心宇御六旬負宸猶孜

孜之日云爾

凡事曾聞豫立詮嘉稱元瑞製燈聯東西次第南而北

左右分明後與前神以通靈氣以運六為之儷四為駢

雙撐寶柱輝皇極

燈柱樹皇極殿前

虔祝

天恩待八年

啟蹕幸避暑山莊之作

老來畏暑意饒前

方澤祭過

平聲

啟蹕旃麥已半收黃積圃禾仍有望綠芄

田獨馳瞻拜先顯若

每歲至避暑山莊日即先至永佑寺瞻禮

神御

衆仰康

總躍然

向率策騎啟行擬侍八旬始罷乘馬茲猶循舊例亦自揣休氣尚康強如昔也

擬屈八

旬罷鞍馬待之亦祇剩三年

賜大學士嵇璜時微疾而痊進見喜而得旬用辛

丑御門日作韻

爾日籌瀛髮率宣

臺灣逆匪林興文等尚未就擒近命福康安海蘭察率巴圖魯侍衛章京

百餘人又調各省兵萬人前往勦捕每日籌辦軍書佇望捷音殊深焦急

重臣掄俊率軍先

採喜愈談前席碩果權休稱避賢同閣四中今獨在

懸車一去慢頻連

四十六年十一月御門日承旨閣臣者年者四人時大學士英廉稽璜協

辦大學士尚書永貴蔡新俱年逾七十今存者祇蔡新嵇璜二人而蔡新於前歲致仕家居嵇璜亦欲乞休上年新正首賜以詩有一去已憐一為甚再隨應識再非宜之句今日嵇璜以微疾痊愈進見喜其精神尚健弗忍令其遽却云慶八旬七返首肯同卿待成年

稽璜感余慰留

稱願待余八旬萬壽後再行陳請俸指  
三年即已屆期彼時自當允其所請耳

乾隆五十三年

皇上聖壽七十八

御製詩文

讀洪範

洪範一書為箕子行聖禹之言以誥武王者不惟姬周  
一代制治之源即萬世帝王制治之源也九疇之叙在  
君則係於極之建不建在民人則由於訓之行不行蔡



沈二言盡之矣而余獨以為萬世帝王治之源者何  
蓋君者民之本也譬之本乎本正而枝自隨故疇雖有  
九無一不關於為君者之一身一心可不慎乎然余之  
所以有會心者固在皇極之建九疇之省而原始要終  
則在乎第九之嚮用威用矣余蒙

天篤佑得建五福五代之堂其說已見前記茲以六極  
自省幸而無其五而不能去其一所謂憂也春憂雨之  
不足夏憂雨之或過秋憂歲之不登冬憂雪之未降無

不先時忖度切切於懷至於古稀說之八弊

庚子余作古稀說數

前代之弊政有八曰強藩曰外患曰權臣曰外戚曰女  
謂曰寺曰奸臣曰佞倖幸皆無一仿佛者今又聞八  
年隨時省察不敢自恃其無為慮  
或萌其漸未嘗不日惕於懷云時憂其或萌合寰中

之萬民時憂其失所謂先天下之憂而憂者不可究  
極而後天下之樂而樂者曾無幾希是則此憂不能去  
而亦不忍去且更不敢去也夫季世之君但知其樂而  
不知其憂以致受大憂而不可救藥者多矣余幸於六  
極中免其五而得其一則此憂也將拳拳守之而惟恐

其失之或者邀

吳貺符宿願得歸政之後庶可免此憂乎然更當教子孫以體余之憂為憂方當萬世守之庶幾永承

天眷是則臣民或可去其憂而為君者終無去歲之道萬世為君者其尚勉守此憂庶幾不致大憂而保後樂尚敬之哉

臣等伏見我

皇上精勤乾惕惟日孜孜五十年來如一日所以享

大同之盛膺脩福之全為自古盛王所莫及  
皇上既脩五福兼省六極獨以為惟憂不能去且不  
忍去亦不敢去將拳拳守之而惟恐失之亦以  
見

保邦國之之謨無刻不在先憂中而惟厯一憂斯致  
五福理本循環惟

聖人為能見及者矣

戊申元旦

元辰喜值會干支

是日甲子

百歲稀逢肇首禧甲是東方生

物始子居北極冠時基朝乾夕惕欽無逸雨較晴量勵  
有寅七十八翁八旬近七年歸政此徯之

元旦試筆

太和元會萬方趨五十三年教敬敷戒在得乎老已至  
思其艱也易為圖却非求治成欲速惟是惟終始弗渝  
天予古稀敢稱倦孜孜猶日最勤吾

康熙三載逮今歲一百還饒甘五年

康熙三年元旦甲子至今歲元旦又

值甲子凡一百  
百二十五字

子重逢真是幸青陽篤祐益增綿功隣

耆定賴

天祐 剪荏苒靖海堦

立春前一日福康安奏十一月二十五日已攻克大理棧賊巢

林興文竄入內山官兵入山搜捕計時當可就擒

始以七言終五字

每歲元旦及試筆詩

皆七言除夕詩皆五言數十年來遂成常例

遂成常例屬吟箋

新正樂壽堂

古希有八八旬近歸政仍僊七歲留尚此宵衣勤盱食

那能後樂勝先憂申來未去屈指數

上聲

減歲增年隨意

酬予今年七旬有八自明年至八十有五歸政之期惟待七年距歸政減一歲則予又增一年也 宣沐  
天恩遂初願快哉此外更何求

得閒室

古稀猶是日孜孜那得居斯閒片時若果丙辰亶其至  
念茲允出在於茲

上元鐙詞

有序

璇霄月燭先天圓體圓三綺席華鐙映不夜元  
音隔八每以撫時抒咏例成排歲為編溯開什於

攝提逮昨年之協洽積疊經三十七次

自丙寅始作鐙詞至

昨歲丁未凡三十七篇

春色宜人迤邐為四六八章

丙寅初唱八章

後間有四章六章者自辛未以來每歲例作八章

歲華紀麗大抵申祝慶

占豐之念亦以通西瀛北漠之情播為幽籥之音

譜入象胥之譯多雖益善數恐不鮮茲者豐楙迎

年申堅肇吉環周六甲開首祚於歲朝

今歲元旦甲子規

滿一輪候圓靈於元夜

十五日望

封犢背田間之兆

兆五行浪帖鯢身海表之軍聲三捷人向光音天



裏詩宜鈞樂奏中爰發在心之言因為屈指以計

歲紀尚三之二屆堯典之倦勤大衍七萬有千合

義經之積數分章序卦繼歲連吟平廿一而鉢速

響時仄四三而珠嵌字裏

六十四卦中平聲二十  
一皆押為韻仄聲四十

三則於詩  
中見本字

難因見巧麗不涉纖梁簡文之詠卦名

偏非全舉宋嚴羽之臚詩體古未前聞奇畫今開

乾至比而成歲哉生始兆弦漸望以都圓或能符

義文周孔之全經惟仰賴

天地

祖宗之純佑易生生而大脩律八八以相成維五十三  
年之春際三五初摘鐙詠羅六十四卦之目裁四  
六乃製弁言

屈指倦勤餘八年鐙詞六十四應全  
每歲八章是恰應  
成六十四章也  
每章擬以卦名什副望

恩惟待

昊乾

上元每歲例西園同樂新疆及舊藩詎為

去聲

怡情賞寶

月曰厓深意莫與坤

及時膏澤可教屯光武寧當學閉門弗藉舌人通譯語

乾隆八年始習蒙古語二十五年平回部遂習回語四  
十一年兩金川畧習番語四十五年因班禪來禪兼  
習唐古忒語是以每歲年班蒙古回部番部等到京接  
見即以其語慰問無藉通譯元夕命新舊諸番入同樂  
園隨觀燈火並燕笑  
聯晴用示柔遠之意  
燈聯席共歡論

元宵恰值望宵中

上元本以正月十五得名而置望亦有在十六七者今歲元宵恰值月望

更副  
嘉名  
賞集東瀛西大蒙

近年上元節賜宴觀燈朝鮮使臣亦令與宴去歲以該國有世

予之使命該使臣於元旦朝賀後起程回國今年仍令隨同新疆分藩入班與宴際此遠來及

近悅敢誇化洽與功崇

飛空星點達斯須火樹銀花燦萬株占得義經卦之五

雲天宴樂曰惟需

千尋貫斗蛾輝麗八照流虹鶴蹏丹恐涉矜張深自訟  
勝分敬怠慎其端

臺灣耆定逮班師休養羣黎命安為臺灣自逆匪滋事以來良民逃避失

業深堪憫惻去歲已節次降旨將五十二年臺灣全郡並嘉義縣五十四年地丁錢糧概予豁免今逆犯林

其文父母家屬俱已拿獲該犯亦窮蹙竄入埔裡社埔  
尾一帶番社等協同圍截擒拿不難尅期歲事而被難  
羣黎正當加意休養一面命地方大吏妥為安輯以副軫念  
今夕春臺賞煙火那能

南望免遐思

流雲點綴幻晴晦時有飛花落碧空建國親侯比

去聲之

吉順時行慶月惟中

臣等伏讀歷年

御製鐙詞皆所以惠遠聯情祝豐偕樂體含風雅義

具典謨茲者分章序卦綜六十四卦而八八以

全衍萬有千策而永永無極體新義正伊古所  
無知周道濟開物成務之全胥于是焉見之且  
彖象十翼原為韻語天地自然之文又有適相  
符合者矣

隨安堂有會

予十七歲居重華宮時曾顏書室曰隨安取隨遇  
而安之義即位後於西苑及圓明園長春園清漪  
園靜宜園湯泉避暑山莊等處每以題額今六十

年以來隨遇之義益堪靜驗

重華昔所額閱六十年中到處題三字惟時驗一躬安居造以道隨物會其通更恆符名者臺灣茲定功

輕輿六韻

輕輿向舊衙

舊衙門行宮原明季內侍之衙門也屢有詩論之

十八里非遐獵

騎春蒐獵

是日沿途小獵國語謂之阿達密畧寓春蒐之義非如木蘭秋獵大獵合圍國語所謂阿

巴喇密也

字風法纂家子孫勘射義

我朝最重騎射無不自幼學習茲自天津迴鑾駐蹕南苑

數日皇子皇孫皇曾孫輩來迎即命隨行射獵以觀平  
觀其藝之能否憑輿無事口占是律亦以誌愧云

仄就詩又雖曰心猶喜其如力不加逸行稍自恣教寓

此惟賒六十六年我

予自十二歲侍  
今七十有八是六十六年矣

皇祖在此

隙

陰了未差

### 啓蹕幸避暑山莊即事

往歲撰良恒據鞍習勞示健衆胥歡

向年每詣山莊必  
乘騎啓行亦寓習

勞之意一時扈從及送駕諸臣無不以  
予年近八旬而康健如初共深慶忭

同卿曠職應從

罰儀使進與匪溺安

今日啓蹕時上馬院竟將御馬遲  
誤自應分別議處責懲因乘輕輿



就道非予意圖安  
逸有殊佳例也  
遵養古稀庶亦可斯勤三度却非難

以予年逾古稀即乘輿亦遵養之道但自度精力尚強  
是以上年啟蹕詩有擬待八旬罷鞍馬之句俚指亦僅  
三年必不至以策馬為難是同卿  
雖屬曠職而拈句轉增新意耳  
優霑膏澤時暘若綠

野青葱入慰觀

山莊啟蹕木蘭之園之作

中秋恰度餅瓜筵啟蹕行圍例按前益壯老當語猶古  
自強不息卦惟乾川塗潦退幸非沴北遯南收歷閱田

往年秋收關外率勝關內昨據劉莪奏保定河間遵化  
等十府州屬約收八分有餘其餘德等府屬約收八分

有餘是今歲秋收雖北遊於南然蹕途速八旬將罷乘周覽農田漸次刈獲已屬豐年景象騎欣茲一再尚鳴鞭

迴蹕至御園之作

乘輿此去乘輿返

向詣山莊必乘馬啟行既寓習勞亦以示健意至八旬可以遵養上年詩

因有擬侍八旬罷鞍馬之句今夏以僕臣遲悞御馬遂乘肩輿就道非予自度精力以策馬為難也四月

光陰迅似飛望八旬旋閱八載祛惟危在守惟微至緣

秋仲罷獵早

今秋木蘭圍場圍地皆沮洳故罷獵而歸較常年至御園早數日

覺異常

年獵罷歸柳綠楓丹繪園景刻詢臺報攬遊稀

今夏駐藏大臣

慶麟等忽有廓爾喀部落侵犯衛藏西邊之報是以撥兵籌餉日勞於心問報不論晝夜今日迴蹕至御園適接慶齡奏廓爾喀聞大兵將至已釋圍竄回即命書旨馳諭機宜大兵不可因賊退即回若賊聞我兵已迴而復來成何事體必當示以兵威令其知畏不敢再犯以期永靖遐邊

— 臣  
等謹案是歲

迴蹕時正值緬甸入貢使臣至

山莊瞻

覲而廓爾喀擾後藏番部我師一至即時歸順且得其屢次籲求朝貢實情一蒙

俞旨踴躍來庭誓世世永為臣僕是皆從古未曾臣服荒遠之國同時并効享王真史冊所罕覩也

乾隆五十四年己酉

皇上聖壽七十九

御製詩文

八徵耄念之寶記

予年七十時用杜甫句鐫古稀天子之寶而即繼之曰猶日孜孜不敢怠於政也蒙

天眷佑幸無大隕越於茲又浹旬矣思有所以副八旬  
開袞之慶鐫諸璽以殿諸御筆蓋莫若洪範八徵之念  
且予夙立願八十有五滿乾隆六十之數即當歸政今  
雖八十逮歸政之歲尚有六年一日未息肩萬民恒在  
懷庶徵之八可不念乎念庶徵即所以念萬民曲禮八  
十曰耄老而智衰之謂茲逮八十幸賴

天佑身體康強一日萬幾未形智衰不可不自勉也如  
至果不能自勉則亦不敢曠職以待六年之期何則

壇

廟之事不可不躬親雨暘之時不可不常驗中外之政不可不日勤民物之養不可不心存苟失其一叢脞隨之則吾豈敢是則耄而敬念庶幾仍古稀猶日孜孜之念也亦五福五代堂之說所謂皇極歛錫之志也亦即近讀洪範著論所謂六極中不能去其三曰憂之意也夫漢唐以來古稀天子纔得六六之中至八旬者纔得三三帝之中惟元世祖可稱賢其二則予所鄙也

三代下諸

帝登七十者僅六見予尚所為古稀說而六帝之中惟  
梁武帝宋高宗元世祖年登八十梁武帝自貽傾覆宋  
高宗忘恥偷安皆所素鄙惟元世祖乃創業大有之為  
君踐踐阼不早建號僅三十五年傳孫成宗其諸王世  
系元史雖無可稽但計其世次訖順帝不過四傳亦  
不能如今五世同堂之盛然則予之仰荷天眷至  
為深厚不特云稀且自古所未有如是而不祇承即元  
鴻貺愛養黎元則予曷敢抑亦有所不忍也

世祖亦未如予之五代同堂是予沐

昊乾鴻貺為獨深而予之所寅承

錫羨當何如亦曰體

天愛民誠心勤政與洪範五之斂錫八之念徵九之三

憂孜孜惕惕日進无疆云爾予之孫能心予之心政予之政惕予之惕憂予之憂或得仰邀

天眷有年至七旬八旬者繼用此寶則又我大清國億萬斯年无疆之休所不敢必而深願者也是為記

臣等伏見我

皇上宵旰勤勞懷保惠鮮之政與雨暘寒燠之時

念茲在茲無時或釋迺者

八旬肇慶取洪範念用庶徵之文鐫



寶以誌

御製記文發明體

天愛民誠心勤政之實謂即

古稀猶日孜孜之志日慎一日以凝

鴻貺而答

昊慈大同之兆脩福之隆皆應念而徵有莫之致而至

者惟敬誠乾惕勵無逸於

深衷斯保右命申迓庥徵于滋至繼自今先天弗違

後天奉若

億萬斯年之慶階

睿念之所運量焉爾

己酉元旦

喜暴聲中昕曙暉太和元會聚冠衣東瀛北漠聯西旅  
三百八旬始萬幾

今年閏五月得三百八十四日舉成數也

所幸一身七葉

見予上事

皇祖下得元孫是一身已見七世

詎惟今鮮古來稀何脩遇弗

忍言矣益慎益欽

吳貺魏

元旦試筆

農諺申過酉入初乞漿得酒祝休徵論旬負辰七將八  
數去聲世弄孫元繼曾漫惜 增為歲減且欣年減是年  
增處尊莅久滋深畏消息理照切業兢

四始開晨法太微勅幾方寸凜惟幾亮功凝績理紀協  
九寓萬邦留熟祈戒老已忘戒彼壯用寬自勝用其威  
歷千以六逮乎丙歸政吾將決是非

題匣貯古稀天子寶

天子古稀九玉章匣貯閑畫工獻彼技射虎肖其間

匣蓋

面鐫飾射虎圖宛肖圍場中光景

已十年閱何曾一瞬慳雄心漸消

泯逸志在高閒

幸盤山啟蹕之作

春日行時動養和宜老年盤山送佳氣御苑發華旃潤

野無塵坐連阡看麥芊東門仍跨馬

上年五月幸避暑山莊啟蹕日上馬

院將御馬遲悞因乘輿而行非意圖安逸也今日仍乘馬一時扈從及送駕諸臣無不同深慶忭

萬衆

意欣然

啟蹕幸避暑山莊即事得句

乘輿去歲僕臣差

向年幸山莊必乘馬啟行去歲以上  
駟院脩馬遲悞乃乘輿非更往例

也

避暑今朝更御車

連日放晴而昨夜復大雨達旦因  
念肩輿者泥濘難行不惟不乘馬

且更御車矣

近八自漸殊遜昔停三已覺再難加

本擇吉初  
一日啟蹕

因二十八九日之雨是以改期今日然扈從人等已  
裝多待三日勢難再停而行未數里雨亦旋止尤為可  
喜

往年雨獵那辭勩

往歲木蘭行圍雖遇雨亦不止獵  
是以屢有雨獵之作若因雨復即

改行期是予  
耽居御園矣此日園居可戀嘉兵役修除實勞矣普教

優賜費非奢

修道兵役頗皆出力因命從優人各賞銀一兩以示體恤

登四面雲山亭子

一歲虛檐必一巡輕輿復此陟嶙峋侵晨幾點收殘雨

傍午高空淨碧旻且喜山田暴多稼那無逸興答清辰

拈毫笑謂孤亭道共汝行將度八旬

是亭構于康熙辛卯正與予齊年也

中秋日即事

興州承德古今置避暑山莊即御園每歲于斯行慶典

明秋當乃度宮垣

每年在山莊舉行慶典率成常例明年為予八旬萬壽仰沐

吳蒼篤

佑載籍罕聞自當回蹕京城御殿  
受賀俾臣庶各伸祝嘏之忱

乎歸政五年此明

年至乙卯歸政之期僅餘五載  
自當於此度節敬邀鴻貺

得否如期一意存翰侶

冊呈歷來什展嫌頻疊砌陳言

廷陳有景書御製中秋  
詩冊進呈者展閱雖意

興各殊而陳言未  
免頻見疊出者

### 入崖口

崖口平從舊路入昨年遇潦偶然思情當曲體惟茲衆

知不可惟者是時

去年入崖口偶緣潦水盛漲雖扈從  
人等俱至大營而行李多未能到不

可不

體衆情罷團旋蹕然農隙講武時不可違  
家法昭垂意最深遠今年自當依例舉行

及老

仍應厓武詰柔遐兼以沛恩施

予雖年屆八旬而精力尚健不敢以詰武為勞

矧蒙古王公台吉等每年於萬壽前至山莊宴賚駢蕃即佈園之千二百人俱有賞賜是柔遐之中兼寓恩施

法制誠為美善秋雲朗霽山原廓獮典前年正若斯

出崖口作

君職詰戎率歲為

擬八旬後可勿乘騎今歲仍必舉行秋獮亦猶一二年內欲予中祀皆

親祭一周以盡君職之意詳見巴顏和樂行圍即事詩注

出崖口合御車宜明春

禁苑開八慶後歲山莊望九期

明秋八旬慶典固當于京城御殿受賀後歲至

山莊避暑則年已望九理應節勞罷乘騎矣

未致政寧當自逸擬臨觀敬效



前規

予年十二待諸臣知

皇祖行園維時詢之

御前

連舉十三園馬上命中不減昔時仰邀天眷更加優厚後歲即不欲乘騎然秋彌令典我朝家法所貽予未致政以前不敢自逸屆期仍擬率皇子及孫曾元輩進哨令皇子等行園而予于看城臨觀或坐而引弓射獸傲傲前規是亦伊古所無能如是否心誠願之盛事惟待

虔待

天恩佑賚垂

迴蹕御園有作

避暑彌秋巖旋蹕古稀九老幸康強馳驅有節知珍重

重

年屆八旬策騎自當有節是以近歲木蘭園中不復甚馳驅今歲偶遇前禽近馬猶能中獲則素所練習

固非奇異也

射獵無妨偶效常往返倏經四月速盱宵敢懈

萬幾忙十分稔望二分失

春夏直省田苗長茂未可冀上豐惟因秋雨過多低窪處

所不無淹浸據報止有八分經逢體察誠如所云殊甚軫惜

體察沿途惜不遑

### 即事雜言

望雪今年殊往年惟因掃疊賞行便

今歲秋雨霑足不似往年盼雪之殷

惟每年得雪後掃疊培樹加賞步軍園丁人等是以刻下轉無雪澤也

南西園事兩者定

去歲此時正盼望安南郭爾喀報捷之信茲阮光平廓爾喀俱已歸順與年班蒙古回部及朝鮮琉球暹羅諸

國俱已入  
貢賀正

東朔諸藩宿致虔庶政心欽銘敢懈八徵耄

念寶新鐫春朝吉日幸成用坐位帖言久稱旃

予因來  
歲八旬

正壽鐫八徵耄念之寶仲冬即已鐫成於立春吉日遂  
行鈐用因念顏真卿坐位帖有行百里半九十里之言  
而猶恐難副其名茲得鈐用御書  
新年即至何莫非  
天恩眷佑乎

己酉除夕

今歲值夏閏便宜一月多忽仍大除到雅合五言哦卷  
燭紅猶昔燭烟白颺和古稀已艱致歷數條旬過

八旬萬壽盛典卷三

欽定四庫全書

八旬萬壽盛典卷四

宸章

四

乾隆五十五年

皇上聖壽八十

御製詩文

四詩論

昨自避暑山莊廻至御園之作有慙德德無稱四

得之句蓋引而未發茲乃叙而論之

夫子思引孔子之言以為位祿名壽胥因德而得之則知有德而得之者為實無德而得之者為虛若子無其實而得其虛其慙愧可勝言哉蓋子之位

天地之所命

宗祖之所授無是二者子因何而得之亦惟粟粟危懼慮官厥官遑敢自詡其得以傲物哉至於祿則九寓所同仰萬民所共奉豈啻十目十手之視指哉毫釐之失

謬以千里威福玉食一涉私欲之作必致越其始而隕  
厥終能保保其得乎若夫名為實之賓實則賓之主也  
居九重之上臨百辟之尊孰不以虛言譽之即今八旬  
大慶之獻詞頌者不可俚指數則此名也亶其實乎雖  
文德武功微有實蹟之可稱然無一不由兢兢業業中  
所出且恐具其始而失其終得將不保敢自怡乎茲逮  
八旬不可不謂之壽然此壽乃

天地默佑

祖宗延禧予一人幸逢其會敢強顏以為有所致哉且予五十五年之間無一日因微疾而不理事者求仙素所鄙即醫理並不識亦惟慎起居節餘食以為養生之常道耳則又有何術之可得凡此四者皆予所得而實皆非德之所致也非德之所致則所謂有其名而無其實忸怩之不暇又何能譚然自居而不疑方將慎半九十之懼孜孜矻矻以待五年之歸政可稱全人則惟敬待



天恩而不敢或必者耳著論自警並以示羣臣之獻詞  
頌者

四得續論

近作四得之論非自謙也蓋紀身之鮮實德與已  
之所實見耳然尚有未盡意者前論切乎已續論  
公天下抑亦有所獨者耳

盖中庸第十七章子曰至子孫保之而止所以戒為天  
子者保其位而已此皆夫子之言其下四得之繹則皆

子思之語非夫子之語也以位言之易曰君子思不出其位則君子之位也又曰聖人之大寶曰位則聖人之位豈豈必曰天子之位乎堯舜禹有天子之德可謂得天子之位其餘皆不可謂得天子之位孔子有聖人之德可謂得聖人之位其餘皆不可謂得聖人之位也孟子所云故益伊尹周公不有天下其心未嘗不羨天子之位雖欲行其道之意耶然非至言也蓋益得益之位伊尹得伊尹之位周公得周公之位非不得也若孔

子必無是語而朱子註子思此章直以為必受命為天子是亦孟子之遺意耳子以為後世之亂臣賊子未必非此言有以啟之然此言非予言之他人不敢言也且自古至今無一代無天子是皆得其位者予予不敢以得位自居實因德不勝而滋懼耳至於祿則自天子以至百辟卿士皆食祿者也盡其職乃可謂之得鰥厥官不可謂之得而其本均不出於修德也王禹偁待漏院之記微見其端矣若夫名乃實之賓實者德之謂也無

其實而有其名不滋愧乎三代以下惟恐不好名予謂此語亦未臻而清流操室中之戈者非因名有以害之乎壽則乘來之氣數所不可強盜蹠壽而顏淵天盜蹠果得壽乎顏淵果不得壽乎古來節以以終者謂之不能得保其壽可乎茲故申而論之以戒後世之不務修其德而徒慕四得以反致敗其德且以靖天下後世之托聖賢之書以妄興其欲有所得之得之心有位與無位之人可不深思所以自處哉

作是論時引用繫辭聖人之大寶曰位蓋亦斷章取義耳予之意則以為天子有天子之位聖人有聖人之位分而言之然亦非始予意也蓋中庸上節孔子之言德為聖人尊為天子已區而三之矣既而思之繫辭本文下即繼以何以守位曰仁何以聚民曰財理財正辭禁民為非曰義是則天子之事也似繫辭所指聖人即天子然按諸經從無尊<sub>口</sub>時天子為聖人如後代所稱聖君聖主聖上者大禹謨乃聖乃神

為益對舜稱堯之詞微子之命克齊聖廣淵為成王  
對微子稱湯之詞皆非稱堂時天子也三代上君臣  
之際情親而切實無取乎頌語惟莊子華封人祝堯  
使聖人壽使聖人富使聖人多男子為當時語堯因  
聖人也然則稱天子為聖人起於用秦之開亦如朕  
之字專為天子自及乃昉自秦也十翼為孔子作不  
應作繫辭有是語且上繫第十一章若莫大乎憲貴  
莫乎乎聖人又分著矣歐陽修以擇之不精繁衍叢

勝近於戰國後語疑十翼為雜取後世講師之說非  
孔子所作亦不為無見論成偶思及之并按於後  
臣等謹按德者得也德為福基一得而無不得  
其理可信之

天

皇上正位凝命

第祿用康

聖筭之延洪與天為量良由

欽定四庫全書

八旬萬壽盛典  
卷四

聖人居

天子之位德彌劬而

福日增實於必得之理有符合者乃

淵衷讓美復申以修德致福之原屏頌揚而戒歆慕

恭繹

聖論二篇成已成物彙為一原皆前聖所未發一人  
一人之祿祿名壽

敷錫為四海之位祿名壽而



欽承

昊旼日進無疆於中庸之理推之彌廣按之彌深矣

庚午元旦

庚戌三陽又肇春

天恩沐得八之旬七希曾數六誠有三逮應知半未臻

三代後帝王年登古稀者惟漢武帝梁武帝唐明皇宋高宗元世祖明太祖六帝至於年登八十者又惟梁武

帝宋高宗元世祖三帝無挺未五代同堂 幸值久安戶

矧予仰沐

天恩備邀諸福尤深感荷

蓬盛殷懷長治俗還淳自強不息重銘志

予既錫入八徵毫念之寶

副以自強不息亦猶七旬時刻古希天之  
之寶副以猶日孜孜皆銘乾惕之志也  
歸政乾乾待

丙辰

元旦試筆

元旦試筆例成詩秉燭撫箋藻句摘心喜臘逾春肇日  
思艱絲貴米昂時由今視昔曾何濟救弊補偏惟勉為  
漢武云云汲黯慙非予事祇忸增忸

養性殿即事

例以初韶迓新社慶開八袞拂吟箋題詞又復逮三歲

自丁未題詩後  
逮今又三年矣

歸政仍當候五年  
栢植假山漸成古梅

稱真樹欲舍妍有無為裏分心性

丙辰題養性殿詩云  
養心期有為養性保

無欲心動而性靜  
也要之均宜得養

一字總湏養以全

新正重華宮茶宴廷臣及內廷翰林用八徵耄念

之寶聯句復得詩二律

古稀天子未教行登八如前太嬌情

庚子年王公及內  
外臣工奏請慶祝

七旬萬壽未即允行前歲復再三懇求於今歲舉行八  
旬慶典予思藐躬荷膺

天眷寔為史冊所罕聞而

天下臣民愛戴之忱出於至誠如再為固却轉屬  
矯情因俯允所請仍賜毋得過於華侈致滋糜費製寶

仍勤庶徵念聯篇惟冀衆規呈較於衛武銘以誠比似  
周寧銘以誠機鑑豆觴資日用絲綸況此繫王貞

刻璽由來

祖制遺

皇祖望七時欲刻一通用小璽命內廷翰  
臣擬文皆無當  
聖意者乃定戒之在得四

字予于七旬時鑄古稀天子猶日孜孜實及此次鑄八  
徵老念之寶不息二寶亦茶微我  
皇祖之意藉自

微惕  
云 兩言戒得緬

宏規作堂前與後為記

避暑山莊戒得堂  
有前後記二篇

紀衷七過八

及期自幸每因增自憾

予受  
優渥矢願亦祇希  
皇祖眷顧之恩至為  
皇祖享

國之年即當歸政今惟餘六載竊幸已躋八袞惟念  
皇以幼齡踐阼在位六十一年而壽實未七及  
旬追憶之餘惟慚那更侈惟怡六春秋閱當歸政獲否  
每切愴懷

天恩敬俟之

八徵耄念之實聯句

有序

紀曲禮之年近期願而稱耄中庸之之旨誠悠久  
以為徵惟有所受之而壽以名且於時保之而寶  
乃大盟宿心而寫篆開春首以聯吟時則翰直由  
庚枝論奄茂佇月陽之臨橘逮日閏之餘桐是予

震夙之期撫乃乾行之運河圖之合天地重五而  
大衍無窮黃鍾為事本根隔八而相生不已歲增  
月益予惟調幕之覆日就雲瞻衆迺稱觥之籲俯  
鑒羣情之莫奪勉依慶之之獲申瞬息轉於駒光  
肩仔承於駿業現壽者相什赤子心憶

含飴蒙

觀於方沖洎受毫

付遺於未壯幾至萬而京垓億兆指難及於恒沙歲積

旬而二十九千

八十歲凡二萬八千八百日舉成數也

心靡間於刻

漏周伯星之見凡幾華封人之祝漸多豈意宵肝

之尋常遂躋春秋之八十溯自三代以下如前六

帝之中及耄惟三稱賢僅一粵蒙古開基之主當

至元致治之秋建號則三紀未踰卜世則四傳已

訖

考秦漢以來諸帝登古稀者凡六見其中躋八  
袞者僅三梁帝宋高宗固不足道惟元世祖

可稱賢主而建號祇三十五年傳孫成宗訖順帝  
方四世亦不能如今五代同堂詳見八徵耄念之

實

記百代皆為天子從未聞運會之全五福已備藐

躬總特荷

眷

貽之厚在盛世不言瑞應而皇極宜有歛敷此者屢綏  
而稼穡順成允治而海河循軌型仁講讓民聚指  
以同居績學抱經士彈冠而賜第野斟菊液二萬  
餘里之老婦問安國衍祚綿百九四家之元孫在  
抱羅斛則新封如礪朱波則底貢厥琛兩番四川  
土司  
臺灣之土目年班四國朝鮮安南之陪臣元會人  
生番琉球暹羅



遙西極廓爾喀使遣頂經定南交阮光平先來  
請朔顧惟涼薄躬何德以克臻上賴

洽熙事非常而胥會言之夸矣方懷蹈虎而涉水命不  
易哉曷副披圖而刺玉語無徵而不信心永念之  
在茲記書憲尋今古之文欽孔壁具帝王之治王  
歸自鎬國舊封箕重訪道於胥餘述錫疇於文命  
理蘊洛書之九位箕符洪範之八徵序雨暘寒燠  
風之時應視聽貌言思之敬惟星惟日惟月惟歲

省勤上下之交用成用明用章用康精驗天人之際冕端受頊盤浴銘湯是用篆以成章勒之延喜色華華而質粹道絜矩而形方得壽偕宣鼓之成計字協義文之畫實文六字引之嚮用引首曰嚮用五福副以健行副章曰自强不息佩押紐以交龍座侑觴而稱兕淮南子喻因抑埴模範斯存乾清宮記並尊藏球圖埴重不言既壽陋藍田繆篆之鑄即此傳心鄙嘉靖醮章之印殿諸御筆文足徵而識此長年傳予

後人嗣其念而世恒實用薌之作記絃可賡詩四  
七巡母以頌以規千萬歲不在璽在德耳惟亮功  
百職卿士師尹彞倫共念於箕疇予尚邀福九齡  
夜寐夙興抑戒更徵於衛雅

御製

逾七幸當開八袞箕疇耄念八徵符鏤琳用此資抑

璵

予于上年長至月因開歲壽躋八袞思復鏤璵以資  
鈴用宜莫若洪範八徵之念乃命選和闐良玉刻為

八徵耄念之寶蓋予卽荷

天庥康強

猶昔而勤政愛民固不敢一日不自勉也

輟茗胥教洽

燕醕

新正

重華宮茶宴為每年例事今歲茶過  
皇上八旬萬壽行慶施惠隆儀稠疊際此獻歲

開韶即以八徵耄念之寶  
命題聯句較往歲尤深慶幸

天子萬年新酌學

元旦

太和殿筵宴每十年一舉  
乃神農晝會之典始自庚午

上四旬大慶迎庚辰庚寅庚子俱循舊例今年元  
旦復舉上儀示  
慈惠以洽羣情合中外而稱

萬壽

為開韶盛事

聖人大寶豫書笈

皇上因庚子七旬萬壽鑄古稀  
天子之寶又于上冬豫鑄此寶以副

昌期易繫辭聖人大寶曰

位國與祿名壽同其必得者也

記爰摭志謙招福

我朝世際洽熙遠邁前古  
上御宇五十餘年以來欲福錫福益

躋仁壽臣等恭繹

御製記猶以寅承錫羨攷

攷惕惕日進無疆自勉

仰見聖懷謙抑彌劬

真所謂德者福之基福

詩迺載賡頌屏諛臣仰賡

者德之致也

臣阿桂

詩迺載賡頌屏諛臣仰賡

詩章如尚書所載庸作載歌尚矣二百以後鮮克

嗣音我

皇上盛德大業為前代史牒所未有

臣等所陳皆五十五年之

實心實政非如唐

張說請製千秋節之疏宋周必大賀天中節之表

徒以虛詞

月琯日徽叶伶律

叶八音日次十三歲

貢諛也

諧梁軫吹律軒皇旋宮協應

五

相召相生恰符無疆嘉兆

元十

壽衍義圖

易大衍之數五十王弼說以五乘十推而演之為萬有一千五百二十為天地自然之數

大衍義圖

八句萬壽盛典

十三

皇上誕膺大寶之歲二十有五  
是紀元逢十  
之成數即  
聖誕逢五之中數

之成數即紀元逢五之中數以義  
圖演之萬億京垓正未有艾也  
氏南周伯璽隣

騎宋史天文志景德三年四月  
氏南騎官西一度狀如半月  
可以鑒物按太乙

占王者制禮作樂內外得宜  
君上壽  
秋丙老人位

見弧晉書天文志老人一星在弧南  
一曰南極  
辰

武寅文中兩聖  
周文王生于殷祖甲二十八祀  
庚寅年武王生于殷帝乙三十二祀

壬辰年見楊觀光致知小語我  
皇上誕于康  
熙五十年辛卯以六甲次第輪之  
庚寅辛卯壬辰

聖誕之年  
我聞予問考諸儒  
周書無逸論殷  
適中兩聖而立  
中宗享國七十

有五年高宗享國五十有九年祖甲享國三十有三年蓋周公所開如此大戴禮載宰予問黃帝三百年先儒言紀年之久君壽之長者皆引為證據

### 山莊壯蹟羣依藻

乾隆五十三年八月十三日睿親王淳穎等大學士九卿阿桂等一

摺各直省將將督撫提鎮都統學政並關織造諸臣都爾嘉劉我等一摺合抒忱悃並據紳士軍民人等陳請恭舉慶典皇上始敷旦敷箋猶未允諸臣環籲申懇至再三臣和珅

### 請集蒲

上年正月八日大學士軍機大臣南書房翰林等恭請照康熙萬壽盛典之

### 例編輯

皇上八旬萬壽盛典一書依舊例分天章聖德典禮恩賚圖繪歌頌六門又

增聖功盛事

二門用昭美備

前典典經再旬越

康熙癸巳行慶典編輯成書

聖祖六旬萬壽舉

祖攸行後期廿載至八旬始展隆禮

古稀稀又十年踰

杜甫詩以七十為古稀至八十則更稀矣皇上自七旬萬壽刻古稀

天子之寶至今八旬十年以來勅子於父母

幾凝命如一日信千古帝王所希有也

洗非腴戊申廟碑文有云皇上平定臺灣告成熱河文

於父母不可言報我皇上臨御以來代天子民誠求保赤深仁厚澤決髓淪肌是

皇上以天地為父母天下臣民以皇上為父母亦非可言報惟是臣民之家願父母慶

皆有洗腴用酒之舉况躋堂祝壽載在經義而所謂頌禱者亦惟萬壽無疆之語以申愛戴不



容已之忱又豈敢腆以言厚  
言厚庶幾洗以而已臣王杰

御製  
予與臣黎惠有孚

請舉慶典固屬臣民祝嘏之忱然予惟普沛恩施以盡為君之道向

於經筵著論鮮易有孚惠德句以  
為不應計及人之愛戴即此意也

子歲壽辰原卻矣庚

或朕七旬誕辰中外臣民籲誠祝嘏朕未經允行  
仍頒恩詔開鄉會試恩科輪各省漕糧以洽羣悃  
戊年

誕節勉聽夫

今歲八旬正壽朕以羣情難遏勉俞所請  
第申諭毋得過事華侈期通上下之情仍

寓節儉  
之旨

庚庚昌吉端蒙

佑予每逢庚歲為正壽今已閱八庚而智  
慮未衰惟益戴  
吳蒼蒼佑之隆耳

乙乙

心盟更顯

謨

皇上以乙卯歲紹登大寶每宣

諭廷臣踐

昨之日默告

上蒼若蒙

天眷至紀充

六十年乙卯後即當歸政必不敢上同

前謨

祖仰見我

皇上紹廷御宇丕顯

而美牆之慕每念

不忘

祖德

讀誥

揭屏撰咸合

御製讀名誥以曷其奈何弗設足為  
全書一言之敝乃千古讀尚書者所未及

又於無逸一篇

御書數四如

國明園靜

宜園之勤政殿蒞事引

見之所

御屏皆

揭是篇蓋尚書為二帝三王治天下之要而名誥  
之王敬作所與無逸所稱皇自敬德尤千古帝王

祈天永命  
之實也

### 三憂五福

### 訓長敷

御製景福宮五福頌引洪範五皇極之辭曰予攸好德汝則錫之福發明帝王之福乃天

下之公而非一身一家之私其徵自與常異而于讀洪範篇中脩論不能去三曰憂之義所謂先天

下之憂而憂皇極

敷

### 箕號弗更平壤

周定天下封諸

敷言于洪範三致意焉

侯先代之後如祝蓍杞陳皆名其國即微子亦受封於宋箕為商畿內詩侯之封入周但稱箕子者蔡沈謂陳洪範之後武王封于朝鮮然卒未聞周有朝鮮之國蓋箕子義不成周武王亦遂其志而不臣之陳櫟曰雖封朝鮮終稱箕子終不臣周也不臣周所以正萬世君臣之大法陳洪範所以傳萬世天人之大紀祀名終奉亳姑爾雅商曰祀周法臣彭元瑞紀祀名終奉亳姑曰年泰誓稱維

十有三年洪範稱維十有三祀孔安國曰箕子稱祀不忘本黃度曰不改商家舊制孔穎達遂謂此篇不是史臣叙述必是箕子既對武王之後退而自撰其事故稱祀然夏氏以為古者史官于人君言動無不書者豈有武王訪箕子其事如此之大史乃不錄而箕子自錄之理陳雅言以此說極是故蔡沈曰祀者因箕子之辭夫周史臣之辭而因因箕子之稱祀正見武王不必箕子為聖人之大也

帝相下民出自洛

孔傳天與禹神龜負文而出列于背有數至九禹遂因而

第之以成九類朱子語類問洪範之書林氏以為洛出書之說不可深信某竊謂易明河出圖洛出書豈得不之信耶蔡沈亦請治水功成洛光呈瑞如蕭部作而鳳儀春秋作而麟至亦其理也世戴戴九履一左三右七二四為肩六八為足即洛書之數陳師凱云當補五數居中一句始脩然則範

起於數數出於洛水非必如漢儒所說初一  
以下六十五字列於龜背為洛書本文也

大法會於龠

洪大也範法也皆爾雅釋詁文宋薛季宣以篆文書洪範通洪為鴻範為

范王充耘曰聖人治天下之大法粲然如指諸掌自禹始禹以洪範治天下聲教四訖執玉帛者萬國大會塗山孔氏正義謂既得九類以後聖王法而行之從之則治違之則亂常道攸叙由洛書證諸天則徵休咎

洪範以八庶徵屬天九所以貫

徹于天人之際也曾鞏謂人極治而通於神明猶不敢自信故故參吾之得失於天

臣董誥

驗在躬憑念聖愚

尚書全解曰念用庶徵反求諸已之謂庶徵者以已之得失可

否驗之于在天時之應者也不可須臾離故曰念川蓋聖狂之分在克念罔念之介耳

穿鑿

機祥藜閣向

洪範但言休徵咎徵尚書大傳始分六沴以二月三月司貌四月五月司

視六月七月司言八月九月司聽聽十月十一月司思十二月正月司皇極已為穿鑿劉向作鴻範五行傳班固本為五行志每事必有其志史離更甚張晦之深聞其非謂春秋速戰國秦漢之世學洪範及春秋者以言災異多為能班固述五行志何休注公春秋凡災異之起又以時事配之多非其義皆失

聖人之意

倒顛簡策草廬吳

元吳澄作尚書纂言分九時經傳謂八庶

徵傳下錯入四五紀傳文王柏因之遂作正定洪範以曰王省為歲移按五曰歷數之下彼蓋以歲月日星之字與五紀相同故竄改經籍以就已意林之奇曰箕子陳庶徵列雨暘寒燠風於上而言五者來降于下不當于中間又贅以曰時二字與五者並列而為六也蓋時者歲月日之時謂之庶

徵其驗不一而足雨暘燠寒陽之象也歲月日時  
驗之於陽陽之象也五者來備而下所以申言曰  
雨曰暘曰燠曰寒曰風之義也曰王省維歲而下  
所以申言曰時之義也之奇之說如此經文非錯  
簡明

### 往來氣運說宗鄭

尚書全解陰陽之氣運于天地間往來屈伸有此五

者雨與暘對燠與寒對風凡氣非風不行猶金木  
水火非土不處故土氣為風王樵亦謂思為四事  
之主風行四氣之間土旺四時

### 次第行生衷折朱

時之季此自相符臣常青  
吳仁傑曰易以坎為水雨以之則雨為水以離  
為火日以烜之則暘為火詩二月初吉又云日月  
方燠則燠為木漢志引左傳金寒之言顏師古謂  
金行在西故謂之寒則寒為金語類問舊本謂雨  
屬木吳仁傑說雨屬水朱子曰看來雨只屬  
水自分說又貌言視聽思皆以次第相屬

者或

別傳為氏是

王應麟困學紀聞云五者來備史記作五是來備故宋人有以曰時五者

來備為一句者以爾雅時訓是也後漢書李尋傳得其人則五代來備荀爽傳五賄咸備各以其叙

事懷太子注兩引史記一作五一作五是蓋氏與是同音題與是同義皆古籍流傳異文

正詁作藉蕪

孔傳庶豐也疏云釋詁文考古文庶作無而有無之無但作无作亡後人

既以無无為有無之無故此徑加广以別之庶乃堂下周屋音同而義異非矣爾雅釋詁郭璞注繁

蕪豐盛貌邢昺疏蕪者繁蕪也洪範庶草蕃蕪庶音義同則庶可作蕪許慎說文藉字注云豐也从

亦林則庶又可作無矣

彛倫數嗣彛倫叙

王元叔曰九疇非始于禹如卜筮起

于伏羲甲子始于黃帝是也禹特修明之不然禹以前豈無彛倫耶

臣紀昀



御一極備同一極無

林之奇云聖人雖有致祥名和之

警戒修省之心則不可忘是以所念不獨休徵而又有咎徵焉陰陽之氣偶失其和則及身自省去其所以咎而反于休則其徵莫不各以其肅又誓謀聖矣敢雨陽叙矣其言深切著明有合經旨

寒燠風驗殊

庶徵之應本于五事之脩如漢儒之論以為有是事必有是應誠屬膠固難通然必

如王安石說都不消感應將若字做似字解作譬喻亦非名和致祥之道宋儒符舜功曰感應之理非謂行此一事即有此一應統而言之則修德則允德必修一氣和則允氣必和分而言之則肅者雨之類又者暘之類求其所以然固各有曰明曰旦凜

所當具說自較精切

曰明曰旦凜

昭鑒

予幸當重熙累洽之際數十來以來以天下之大地方偏災或所不免而大槩年穀順成屢豐報慶

非敢自謂五事之修要皆上蒼懸眷  
乃克臻此明旦敬事之忱曷敢少懈耳

### 有夏有冬旋

斗樞

恭注解日月之行則有冬有夏云日有中道極南至牽牛則為冬至極北至于東井則為夏至孔傳則謂日月之行冬至至各有常度君臣政治大小各有常法深得辰居星拱之象

齋受頊

### 書

誠罔問

帝王傳心之學間知見知各有統緒武王齋戒端冕以受帝顧頊之丹書遠紹心法不必並書洪範九疇禹受之天武受之禹我皇上以洪範之文作寶亦如武受丹書銘之機鑑亘鵬皆帝王心法遠宗之要也

政追舜典實堪摹

孔子刪書斷自唐虞舉凡禮樂政刑

於典

皇上勤修實政五十五年來創制顯庸

無不遠邁前古臣等謹就管窺所及

聖德之

協庶徵者謹

雖宮駿廟

據實臚陳

心齋一

壇

皇上法

廟大祀歲必躬親五十餘年常如一

天行健聖敬日躋

日而于朝日夕月帝王廟

凡遇親祭亦必精禋鷄黍近因

文廟諸中祀壽躋八旬復

越寅恭禱雨告風

躬祀一週以申欽懇至於法宮

心齋嚴翼此我垂拱對

聖德之恭以作

肅也

臣慶桂

下澤上生

膏沃濡

管子云如天雨然澤下尺生上尺蓋謂聖人之德下逮于人如天降時雨能生萬物我皇

欽定四庫全書

八旬萬壽盛典

二十

上愛育黎元丙寅唐寅丁酉及本年四次普免各  
省地丁錢糧丙戌已亥兩次輪免七省漕糧  
恩施博博亘古未有至偶遇一隅水旱不借數百  
萬帑金命各督撫賢心賑卹而且展賑常賑  
不拘月限總期一夫不致失所其餘豁免積欠動  
逾數十百萬或踴躍所經又必酌蠲地丁錢  
糧凡以藏富于民俾臻殷阜此即我

皇上曰肅時雨若之一微也

# 著述言先誠必立

立言之盛本諸立德立功我  
上文以載道御製仿白居易新

樂府及金韻詩闡

祖德之崇隆昭

列聖

述之堯業上自我

朝發祥東土及

列聖

宏規下逮唐虞以迄勝國得失燭鑒進退百王據  
事直書而于敬天命守神器三復及之

御製詩自丙辰以來每十二年編為一集初集  
四四十一百五十餘首二集八千四百餘首三集

萬有一千七百餘首四集九千七百餘首自甲辰  
以來現在纂編五集者又幾五千餘首彙之以四  
萬計御製文自丙辰至癸未編初集者五百  
餘篇自甲申至乙巳編二集者幾五百編與丙午  
後未刻者彙之凡千一百餘篇無不可以垂世立  
教即撫時賦物對景抒懷亦必本于精  
理道心而不屑為風雲月露易所謂修辭立誠  
言之有物此戒皇上聖德之從以作乂也

綽絲從後信難渝

中庸贊至聖之德曰言而民莫不信  
而極其盛至于凡有血氣莫不尊親

壤扶

皇上詔諭所及深入民隱容光必照遐方僻  
杖觀聽者煦嫗德化溫如春霽而信

歲日此我  
人時場若

之一徵也

皇上曰  
掌觀紋但端

疏黃

皇上燭炳幾先明照萬里于凡人才識否親  
心術之誠偽而物無遁形庶獄明慎核讞冊之輕

重而按無疑實他若鑑古而審時代評藝而別偽  
真無不洞若觀火即始見終蓋垂拱穆清而

大合皆運淵來此我皇上聖  
德之明以作哲也臣喀寧阿背負曝爭獻昧

竭孔傳解曰哲時煥若謂君能昭哲則時煥順之  
蔡傳以煥屬木而引小明之詩日月方煥以證

煥之為春為木按莊子至治之世衆人熙熙如登  
春臺我皇上照臨所屆東及朝鮮西至霍罕

無不各安耕鑿來享來王此我  
皇上口哲時煥若之一徵也

# 察邇聽

## 彛中允執

日夙興恭覽

皇上聰聽

祖實錄始出視事而於  
考彛訓每

察邇臣工建白苟有可採必加  
祖宗寶訓每述以訓臣民而又如舜之好問  
俞允至內而

部院諸臣外而督撫以及道府下至微員每  
召對諏詢凡以達下情而通民莫而執兩用中權

衡默運此我  
聖德之作謀作謀也  
皇上起元藏用

道如邪

運籌決勝不差累黍而于河道之蓄洩海防之

形勢皆  
用處厥成蓋天以歲寒而成萬物猶人主以謀而  
成萬事此  
皇上曰  
待章

宣諭思真睿

孟子言心之官則思思之極則通于微至  
事事無所不通則作聖矣我  
皇上時

幾勅命精一執中每封章  
誠如神先幾立斷正孟子所謂聖而不可知之謂  
神尤非臣等摹繪揣聽所能形容萬一此又我  
皇上聖德之睿以作聖也  
臣胡季堂

俗樹聲軌共趨

廣書之伴子從欲論語之無為而治皆言聖人在上教化四達如風

鼓動莫不靡然我朝法度修明紀綱整勅士習民風蒸蒸日上此我

皇上曰聖時風若之一

徵也左右史登偏挂漏

政所頒即茅楮薜屋身被心聖

知皆能預聞傳說不必待記言記動之史也

詩文集具詎揚鋪

凡大政大事必有賦咏序記御製詩文集具在皆與政通讀者因言

見之鋪張揚厲也

得全者

聖

聖時憲

皇上全德全福而言必稱說所謂惟天聰明惟聖時憲也

臣福康安天正傳



御製求是於

天

天畀俞

予嘗謂國之將興必有禎祥之賜然禎祥之賜由乎人每恭

由乎

天而致

天之則由乎人每恭

讀實錄實錄仰見我

太祖創業艱難求是于

天復讎乎

祖用集鴻勲開基定業大清億萬年丕

丕基實肇于此予是以兢兢業業夙夜不遑凜惟休惟恤之戒存監殷監夏之心垂示後世子孫常存此念詳

見己未歲我

太祖薩

陰量晴籌尤謹課

予於四方農時尤深

爾泚山之戰書事

厯念每因各直省督撫及順天府尹奏報晴雨應期必加欣慰或陳奏稍稽傳諭飭查蓋深宮五夜籌量靡寧

正不敢稍弛警惕也

北綏南屢願頻俱

去年各省奏報秋收分數山東山西陝甘湖南湖北

四川福建雲貴等處約九分直隸江南廣東廣西等處約八分屢豐之象南北相同披覽之餘殊深願慶乾

乾惟是勞王省

右王省惟歲

坎坎常因懼職孤

右卿士惟月之列自維謝陋

臣等幸廁卿士稱職為難每懷

詩人坎坎伐檀之譏

鼎鼎尹箴停暑轡

右師尹惟日

師師民畜貫

星珠

右庶民惟星

不惟逸豫圭隨絜

惟王省歲則卿士師尹各首于日月

不敢暇逸而庶民亦各安政教不違其

臣金簡必有禎祥

鼓應枹

三代以下每侈言符瑞實政惟以年穀順成民物康阜為重正如

皇上實心行

洪範所陳百穀用成又用明俊民用章家用平康皆天人相應之理確有可徵正不必數禋三茅始

登瑞牒昨因各省諸臣謝  
賜御製  
御製太常仙蝶詩特申  
誠諭

# 帝藉

親維秬維秠

皇上幼農敬事自即位以來五十四年之間  
親舉斯禮已二十八次去歲

以年近八旬  
命自後遣官行  
禮興穀祝豐實為前古所未有

邇屯報多黍多

徐

年來不獨內地各處豐稔即新疆伊犁烏魯木齊等處亦屯政日開腹地人民遷居耕種聚落

殷盛歲獲迭增羸羨每陳  
陳相因  
右百穀用成

持廉飭法官歸治

皇上

澄叙官方內外大小諸臣隨材器使時加訓誨每逢京察大計分別黜陟必核辨功罪瑕瑜不掩以昭大功至正之心天下臣民無不共仰  
鴻鈞之陶冶也  
臣舒常

綱舉目

張王秉鈇

我

朝內外官制折衷前代已臻美備  
皇上復因時損益如添設江寧布

政使各省驛傳歸按察使設西安承德二府及州  
縣各官隨時改定繁簡等缺添給武職養廉各省  
坐糧名糧改批實兵更定武職官階綱舉目張  
太阿在握正荀子所謂王鈇也 右又用明

恩榜疊覃革食鹿

自乾隆丙辰壬申庚辰庚寅已亥及  
昨歲己酉皆以逢 國天慶特開

恩科鄉試會試以廣登進鄉試諸生年逾八十  
者 賜舉人七十以上者 賜副榜其會試

舉人年老者分別 賜以檢討學正等銜又于  
太學建立辟雍 親臨講學設立承德府

文廟置生員並予鄉試中額他如嘉峪關外鎮迪  
道屬亦設學官取士鄉試中式者 恩許馳驛

會試每逢 巡緝所至獻賦諸生 召試錄  
取入穀者 欽賜中書及舉人校寫四庫全書

奔藏

四庫外復

命續繕三部分

頌揚

州文匯閣金山文宗閣

杭州文瀾閣及頌重刻得

化閣帖於諸書圖圖書集成佩文韻府於藏書家

武英殿刊經史三通及聚珍版流傳海內嘉惠

藝林士子涵濡教澤如辛丑文科之錢梁甲

戌文科之顏麟皆鄉會殿試三元為百年以來

科名盛事羣材廣選鳳樓梧凡簡用庶官於月選各途

甲戌會試後選遺卷為明通榜壬申辛巳丙戌壬

辰辛丑丁未會後挑選下第舉人皆別等第

引見以知縣教職等官錄用每屆十二年各省選

拔諸生貢入成均朝考後擇其尤者分別以京

京官知縣教職錄用士子凡有一材一藝者皆得

踴躍功名共遵皇路右俊民用章

家早麟趾咏我皇上薦

辰歲喜見元孫昨歲

祐凝庶於甲

皇以上

八旬萬壽盛典

皇元孫年已就傳

命查四庫全書所載唐宋

以來及見元孫者僅六家今各陸續奏到五代同

堂者現有張子翼古朝爵等幾二百家太和翔洽

繁衍丁黃以宋慶普為國祥推之益廣矣臣

李綬人得歲紛鳩首扶

叟宴入宴者千人聖祖仁皇帝舉行千

時在冲齡侍宴親見至乾隆五十年繼舉是典入

宴者三千人餘不入宴而被賞賚者又幾千人七

言廣賡韻十體進詩自古養老之典所

謂三老五更執觴割牲者御製屢正之而盛

禮之成醴浹滲漉至大吏上奏禮部議旌老民老

婦歲不下數十人百歲以外加賞銀幣且賜

詩章而福建省欽賜司業郭鍾岳一百十歲

來京就祝壽布嚕特畢班壁特之祖母一百

九歲遣孫請安太平之世人多壽洪釋延洪

考其所涵軀者深也右家用平廣

大圓鏡範通模範

化工鑪如功傳學醺而粹

尚書以念為言不一惟大禹謨所云惟帝念之說念所云

念終始典於學二語為能分疏內聖外王之蘊我皇上取洪範之文以鑄斯寶作

君作

師一以貫之矣臣金士松

御荒穆勤姚瑒與瑜

書之言堯者有二呂刑之稱穆王曰堯荒大病謨舜之言曰堯勤自

古君心敬肆之分其幾甚微相去甚遠瑕瑜並列法勤戒荒予滋寶矣

無易乃康祝之耳

孔安國傳歲月日時無易謂君臣無逸各順其常而家國享平康之福予與爾諸臣共勉之

有惓曰

堯慎哉乎

禮記八十九十曰堯鄭注堯惓忘也引左傳老將知堯又及之予幸躋八旬而知慮未衰

猶然日慎一日也

孜孜以日猶昨志

副章曰自強不息即前者猶日孜孜之意

號號員來豈異途

引首實文曰嚮用五福蓋即八徵耄念之而伸之易震彖傳震

來號號恐致福也聖人之致福未有不從恐懼修省來者

六字分行爻畫處

八

耄念之實文凡六字正與義爻相協

四言擺句體規虞

虞書危微精一之訓均以

四言成句茲實文八徵耄念亦四言

乾一交紐中天德

紐為交龍象取龍德中正

朱珪 坤象開方奠地隅

是實正方法地縱橫四寸高凡三寸七分

太尉

芝泥鈴逞怪

緯書河圖舜以太尉即位與三公臨觀於黃河龍負圖出置舜前黃金柙

白玉檢黃金繩黃芝泥草曰黃章符璽按太尉乃秦官先時安得有此名蓋識緯起於西漢之末王



莽假符命以圖篡竊故有太尉即位  
**軒轅黃璽識**  
之說至其名物怪誕更不足深闢也

**沿膚**

春秋運斗樞黃帝時黃龍負圖中有璽章文曰天黃符璽亦即因河圖所載舜事附會又

以為軒轅時事可見識  
**同文所識云石璽**  
符元年

五月甲子詳定所言唐開元中玉璽金璽封訖以

受命寶印之又貞觀中議更造玉璽一方一寸二

分同受命寶今請別造玉寶方寸二分同受命寶

以封金玉璽又開元中石璽以天下同文印封之

舊史無制度請以金鑄大小同御前寶以天下同

大之寶為文二寶封畢進內甲申命泰知政事馮

樞書封神玉寶  
**定命雖珍亦珽珽**  
宋史興服志徽宗政和七年從

金寶  
臣劉墉

於闐得大玉踰二尺色如截肪製為寶文曰範圍

天地幽贊神明和合太和萬壽無疆其寶九寸號

曰定命寶合前所有寶為九詔以九寶為稱以定  
命寶為首且曰八寶者國之神器至于定命寶乃  
我所自製也又詔鎮國受命寶與天皇帝之寶其  
數有八蓋非乾元用九之數比得寶玉於異域受  
定命之符於神霄乃以範圍天地云云十字字為  
文縱廣之制其寸亦九號曰定命寶來年元曰祇  
受又詔差官奏告天地宗廟社稷並御天慶殿受  
寶百寮稱賀徽宗不知慎守神器徒侈言受命雖  
村美工巧不啻

崔彧貢朝由拾得

續文獻通考至  
元三十年崔彧

得玉印于拾得家以為傳國璽獻之明邱濬曰秦  
璽在漢為元后所擲角有微玷魏文帝刻其旁曰  
魏受漢傳國之璽今此印非秦所製者明甚疑即  
宋元符所得于咸陽民家者也云云臣等恭讀  
御製國朝傳寶記乾隆三年高斌督河時奏進  
局員添寶應河所得玉璽古澤可愛文與報耕錄

所載蔡仲平本頗朕謂此好事者仿刻所為貯之別殿視為玩好舊器而已仰見聖識高卓足

以破千古激求矜耀之惑咸熙藏府獲成都魏志咸熙元年六月衛瓘至成都得

璧玉印文似成信字宣寶花御押一兒戲登辛雜識載宋

示百官藏於相國府太祖至度宗十五朝御押近御製嘉靖玉印

記云天子宸章擇言鑄璽以示自警正也即偶寓別裁然近玩物不足為訓若趙宋之君皆有御押已屬不正聖論高明光大臣等誦習不勝欽

服臣詔受欽崇兩史巫宋真宗天禧元年召輔臣於滋福殿觀新刻皇

沈初帝昭受乾符之寶初祭醮利表皆用御前之寶上

以未盡恪恭故改製焉仁宗慶歷八年下學士院定其文別刻皇帝欽崇國祀之寶宰嘉靖醮章咄

玉泐

內府舊藏玉印一刺為文皆不能曉  
法官劉元斌等辨之稱為道家心印用于

醺錄上章等事

御製記云此印既刻以玉而

其紐復用蹲龍非道家方士所敢用者知為嘉靖

好道乃其修醺飛章之所用

汾陰駕祀妄金塗建

較之秦皇漢武益為可鄙

炎

以來朝野雜記載淳熙十四年有士人聶愿者獲

一古印文曰皇帝駕祀祀汾陰之寶九字重十三

兩以為真宗西祀所作時吳琚為淮東總領以五

百千賞之取寶獻于朝詔歲天章閣聶愿以其寶

乃金金所鑄價價未足詣御史府訴之蔣世修為

中執法請命有司覆寶且言祖宗傳寶復歸中禁

縱使是銅亦當薄賞務重大體豈校細

微事下工部將作監覆驗之果銅耳建康壘土

空探策

宋書符瑞志晉建武元年建康民虞由懇  
土得白玉麒麟璽一文曰長壽萬年獻晉

王蓋元帝假此以為中興之符聲動衆聽  
亦如劉盆子之探符得立也 臣阿必達

御製靈武召兵等棄繻

玉海六合大同之印唐肅宗靈武  
召兵所用按是時傳國璽尚在蜀

中不過以此印號召兵馬雖侈言六  
合亦如關侯之有契繻不足言寶也 既壽永昌器已幻

玉璽譜曰傳國璽是秦始皇所刻其玉出藍田山丞相  
李斯篆其文曰受命于天既受永昌又宋鄭文寶玉璽  
記載傳授本末曰秦璽其圓四寸至漢謂之傳國璽歷  
代皆用其名永嘉之後復歸江左者晉璽也太和之末  
得自西燕更涉六朝至于隋代者慕容燕璽也劉裕北  
伐得之關中歷晉至隋者姚秦璽也開運間入契丹者  
石晉璽也當時皆誤以為秦璽實則秦璽之失已久云  
云向嘗作國朝傳寶記云夫秦璽煨燼古人論之詳矣  
即使尚存政斯之物何得與本朝傳寶同貯善夫唐梁  
肅之言曰鼎之輕重璽之去來視德之高下位之安危

然則人君承

祖宗付畀思以永膺斯寶引而勿替

其非什襲固守之謂謂夫日新厥德居安慮危凝受

皇天大寶命則德足重寶而寶以愈重然則寶固不足重况荆凡得失其事甚幻耶

建中表正

語多誣

續文獻通考建文三年凝命神寶方一尺八寸九分帝親定其文曰天命明德表正萬方精

一執中宇宙永昌先是帝在儲位夢神人致上帝命授以重寶元年使者還自西得青於雪山山方踰二尺二年春正月帝郊祀宿齋宮夕夢若有覩乃警寤命玉人琢為大璽冬十二月工成名凝命神寶至是以告天地祖宗為大宣示遐邇百官稱賀大宴於奉天門領賞四夷朝使夫刻璽以為王貞記諸夢寐已失之誣方今和闐春秋底貢美質巨材至九千餘觔不啻倍蓰過之彼區區二尺青玉何足珍重耶撰辭祇自銘

惕息

予既刻入徵毫念之寶重思執玉持盈懋德永圖之意不可不丕播萬姓傳示子孫因作記以寫我

心

取義何嘗寫悅愉

御製八徵耄念之寶記首叙年七十時用杜甫句鑄古稀天子之寶

象天

天眷佑

幸無大

隕越於茲

又浹旬矣

思有

御筆

所以副

八旬開

褒之慶

鑄為璽以

殿諸

皇上

兢兢

蓋莫若

洪範八

徵之念

云云仰見

七旬迄今

兩刻璽文

初不

葉葉日

引月長

自

以

聖壽益

隆稍隣

御

愉悅而有

弛乾惕

也

周頌

仔肩

卸尚未

製記又

曰予夙

願八十

有五滿

乾隆六

十之數

即當歸

政令逮

歸政之歲

尚有六

十一日

未息肩

萬民恒

在懷庶

徵之八

可不念

乎云云

仰見

承寶位

後暨日

新胞與

之懷真

靡聞於

風夜也

皇上凝

御製記

又曰

壇

廟之祀

不可不

躬親

雨暘之

時不可

舜歌

叢脞戒

其母

廟之祀

不可不

躬親

雨暘之

時不可

欽定四庫全書

萬壽盛典

八旬萬壽盛典

三十

三十

三十

三十

三十

不曰勤民之之養不可不心存苟失其一業墜隨  
之則吾豈敢云云仰見 皇上萬幾日理鉅細  
無遺廣運之德所  
由與姚瀉婉隆也

### 康疆適性恒莊敬

御製記又曰茲逮八旬幸賴  
天佑身體康疆一日萬幾未形

智衰不可不自勉也云云仰見 皇上親時問  
夜秉燭待章控轡雲馳下筆泉湧行禮拜跪規矩  
冲和三推廣畝彌見從容乙夜細書不資黷黷無  
論耆艾無此矍鑠即少壯亦未有能習勞整暇若  
此者皆由莊敬日彊正丹書  
所謂恭則壽也 臣鄒奕孝 占闕關情塵牧芻

御製記又曰念庶徵即所以念萬民云云管子有  
言食者民之天凡雨暘燠寒風 天之占驗  
皆闕民之休戚仰見 皇上誠求  
保赤蓋善言天者必有驗于人也



申錫無疆彌曼美寅承

有昊敢馳驅

御製記又曰予沐為獨深而予之所寅承

吳乾鴻賦錫美當何

如云云仰見

昊祝之隆倍切祇承之念嘉樂之詩保佑

命之自天申之說經者以保佑申三者為重疊六幅鑱之辭蓋天眷聖人引無極也

三一孰崇閔竝

御製記又曰漢唐以來古稀天子纔得六六之中至八旬者纔

得三而三帝之中惟元世祖可稱賢其二則予所鄙也即元祖亦未如予之五代同堂云云按三代以下帝王壽登七十者僅武帝梁武帝唐明皇宋高宗元世祖明太祖六帝其中惟梁武帝宋高宗元世祖年登八十無論梁武帝宋高宗不足言即元世祖大有為之君可稱賢主然踐祚非早建號

僅三十五年傳孫成宗其諸王世系元史雖無表可稽但計其世次訖順帝不過四傳以視我皇上五代同堂御宇五十五年以來康熙逢吉不特古所稀聞直自古未有也臣鄭際唐

二十五輕玩好娛

國朝受

天命采古制

用古篆尊藏交泰殿中凡三十有九此外復有受命於天既壽永昌璽及高城所進寶應玉璽亦附藏內殿殿皇上以所貯歷年既久紀載失真且有重複考正排次定為二十五寶以待天數並申言人君躬膺大寶在德而不在器大哉王言洵足祛漢唐以來諸君侈言符瑞之惑詳見

御製國朝藏寶記

內禁鈴青祛舊載

御製國朝藏寶記云會典舊稱皇帝奉天之寶即傳國璽

兩郊大祀及聖節宮中告天青詞用之語尤誕  
大祀遵古禮用祝版署名不用寶聖節

宮中未嘗有告天事或道籙祝釐時一行之亦不  
不過偶存其教耳未嘗  
今文臣為青詞亦未

嘗用寶蓋緣當日修會典諸臣無宿學卓識未曾  
請  
旨取裁徒沿明明內監所書冊檔承謔襲

認遂至  
於此  
翰臣輟擬仰

成模

聖祖聖聖望七旬嘗欲鑄通用小璽命內  
廷翰林擬文皆無當  
聖意者乃定用戒之

在得四字庚子歲  
皇上壽躋七旬於避暑山

莊新作書堂顏曰戒得即聞  
聖祖未發之

旨令鑄  
八徵耄念之  
羹牆額

寶遂亦不假詞臣帖擬也

賜堂添慶

聖祖御書五福堂匾額  
賜  
世宗恭摹懸之  
雍和宮及  
圓明園

乾隆丙申

皇上葺寧壽宮之

景福宮因作

五福頌書之屏間至甲辰

皇上喜得元孫五

代同堂因即

景福宮增

為五福五代堂而于

圓明園及避暑山莊

勤政殿後亦懸是額並鑄

五福五代堂古稀天

回準

子寶以致慶

臣達椿

回準

功彰論採腴

庚辰西師歲事準回兩部盡入版圖

皇上追維用兵之始衆議不無疑阻而

睿謨獨斷不五年而大功告成作開感論以示

中外設為春秋頌儒臻成大夫往問之詞而折衷

於信

天主人人因錫

也

信

天主論中語也

什賦勤民為守

敬

仁皇帝

天勤民之寶

世宗憲皇帝皆以鈴

御書者

皇上御筆亦常用之戊辰歲

御製四言詩記其梗槩推本

天民視

巡撫明理寧迂

本於敬

御製南巡記發明舉事機宜必

天

聰揭以綱網提要四字心傳於千萬葉永矢乾乾  
天乾乾之句所以聖子孫萬萬世憲章遵用之準

斯能愛民明理斯能體物  
因錫敬天勤民寶寄意

和闐鉅寶鑒底旅

寶材以和

闐精玉為之考宋徽宗時以和闐產玉遣使索之  
其國王表稱于闐國倭儼有福力知文法黑汗王  
書與東方日出處天玉一世界田地主漢家阿舅大官  
家表中稱所須大玉一時難得須俟三四年後採  
得再進可見當日雖遣使往而不能必致今和  
闐久入疆索每歲貢玉入京壞材巨寶絡繹相載  
以供典瑞之用古稱西旅  
貢契不足言矣  
臣阿肅

御製  
察哈

鴻勳腰厥俘

書序湯伐三股俘厥寶玉作寶寶可見古  
聖王亦未始不以圭為瑞我

太宗文

皇帝天聰九年貝勒多爾袞等收復察哈爾林丹汗全  
部獲歷代傳國玉璽明年四月一俞諸貝勒大臣及

諸外藩等之詣以符瑞炳著建國號曰大清改元崇  
德我朝函一區夏雖在德不在寶太宗特俯徇與

情為應

天順人之

宵旰數倫勗仍已

予仰邀  
昊佑錫美延

舉可謂於湯有光矣

洪得刻此寶以殿御筆並石渠圖藉亦加鈐  
用非以自幸實隨寓目可藉可以自儆耳

子孫用璽

盼遙吾

後嗣子孫誠能法予念庶幾即以念萬民之心  
至七旬八旬亦用此寶以鞏我大清億萬年丕

丕基庶足慰予祈

天永命之願耳

可能符望惟

天貺

予建寧壽宮為歸政後竟來因於宮內建閣名之  
曰符望今距乾隆六十一年僅隔六載果能幸邀

鴻臚則予望  
望為克符矣

# 直到頤和匪數拘

寧壽宮有頤和軒按曲禮

若幼弱壯強父耆老期之類獨耄言八十九十  
陸德明經典釋文謂一本作八十曰耄九十曰耄  
不知耄亦兼七十八十德明於易釋文復依馬氏  
作七十曰耄而詩秦風毛傳八十曰耄左傳九年  
杜注七十曰耄故邢昺爾雅疏曰耄有七十八十  
無正文也即耄屬八十而許慎說文九十曰耄劉  
熙釋名則七十曰耄大抵耄自七十至百年為日  
最長舜年六十受命在位三十有三載則九十三  
矣而曰耄期若謂九十年之間衛武公九十有  
五作抑戒曰亦聿既耄然則期頤以前皆可曰耄  
由此積數百千萬億京垓秭有隸  
首不能算摩醯首羅不能知者





進封質親王 皇十一子封為成親王 皇十五子封為嘉王 嘉親王 皇十七子封為貝勒

### 四國產呈茗

會典載朝國每年遣使入貢琉球國間歲一貢安南暹羅二國俱三年一

貢向時依期入貢各國使臣不能相值今歲元旦朝賀行禮四國遣會共球鸕鯨之盛自古王會開

國未能有此鉅觀也 南交將覲

### 克時授

今歲既光平親 覲恭祝 萬壽先于上年十二月內據福康安奏阮光平以安南僻處

炎荒請

天朝頒示正朔

皇上以該國王

締造之初即能崇奉

天朝定時正朔深可嘉

尚因即降

旨允行諭禮部即將乾隆五十五年時憲書發往交該督等委員賫至鎮南關令該

國鎮目轉交國祇領並 諭嗣後每年即著禮部照朝

鮮請領時憲書數目發交廣西巡撫照此

次之例先期頒給無庸遠  
使赴京請頒 臣嚴福  
西極還賒

佛拜膜

廓爾喀在後藏外上年歸順遣大頭目巴拉八  
都爾喀哇斯哈哩薩野二名帶散眷二十三名

恭賚表文貢物赴京朝 覲表內稱敬奉  
大皇帝即如敬進奉三寶佛合掌誠心皈依

大皇帝駕前等語詞意極為恭順于上年十二  
月杪到京瞻仰 天顏優蒙 錫賚 帝

發生

山蹕莅

二月東巡禮崇望秩朝於方岳義舉周官原為  
古聖王不易之典即表宏漢紀曰東方者萬物

之所始山嶽者靈氣之所宅求之物本必于其始  
取其所以于其宗宗其說亦屬可取但後代侈言  
告功不特叛封禪之儀并專剽竇璽以為金泥玉  
檢之用最為誕妄我 皇上以八旬展敬降

昔今春二月八日啓蹕前詣泰安登岳薦饗  
為民祈福利且副就瞻按慶典本有岳瀆之祭  
盛宗為五岳之長躬親禋禮亦宜之非如漢  
唐宋升中之詔即刻寶亦非供封禪之用也

### 素王仁壽

### 泮旂紆

皇上崇儒重道統合君師每年春秋釋奠  
文廟或親詣行禮或遣官致祭去祭去

歲以慶迓八旬於凡中祀皆欲親祭一周  
以盡為君之職今歲二月上丁將親詣釋奠

而於東巡復躬瞻闕里蠲潔薦享景仰之  
懷恰符仁壽不僅如詩魯頌徒以芹藻驚旂

侈言在泮  
之盛也

### 春燈排

### 詠陰陽復

自乾隆丙寅始每歲一元俱御製燈詞  
四章六章八章不等自辛未以來例作八章

五十三年戊申

皇上計至六十年歸政相距

八載歲賦燈詞章章恰辭義經全圖因以卦名之

平聲二十一宿押為韻聲四十三則于詩中藏

入本字今歲所用自隨封片卦剝下起復恰合陰

陽生生不已之

數巨程昌期石鼓偕鑄潘薛徒周宣石鼓向在

閱近時搨本惜其字跡漫漶所存僅三百十字因

親加排次截長補短仍為十章并為之序

命新製十鼓列文並列國學又以熱河為每歲

忠遠詰戎之地亦命于文廟鑄刻十

鼓列于戟門而太學之舊鼓則命命繇垣以嚴

風雨俾永萬世其文宋薛尚功以下諸家各有訓

釋元潘迪重作音訓刻碑鼓旁因並命詞臣

依新編鼓大字次第擇諸家之長為音訓附

刻御製序文碑陰與迪碑

並傳千古俾閱者一目瞭然宿次角亢歡贊華

爾雅釋天壽星角亢也本年正月初五日值角初六日值亢正逢茶宴野詣箕畢樂

遊衢

春秋緯云月離于箕則風揚沙詩月離于畢俾滂沱矣是二星本有好風好雨之異而月

能各從其好猶庶民之休咎係乎上人之得失也今世際熙和和小民遂生復性真不啻遊康衢而

歌耕近  
鑒也

光衆效跡稱兕

豳風躋堂稱兕之語為自古介眉數典然曰公堂不過一國臣民共申祝頌而

已洪範極之敷言是訓是行以近天子之光曰天子作民父母者為天下王云云解經者謂之父母者親之之辭謂之天王者尊之之辭洪範之尊之尊君親上較風更為廣大真摯矣臣秦承業

御  
梨好德台殷隙過駒

五福之四曰攸好德宋曾鞏謂福言攸好則致民於善可知故庶民

攸好德則錫之福所以勸天下之人使協於中即予記  
中念庶徵即以念萬民之意此念蓋數十年常如一日  
非自今  
日始也  
篇近夸兮增恧昵視為規也益勤劬虔希五叙  
欽五福皇極敷恩遍九區

新正幸御園即事有作

撰吉鑾輿出鳳闈奉時施惠仰流鱗又看御苑為春苑  
倏過七旬稱八旬食旰衣宵仍勗已雨量晴較總因民  
自疆不息吾宿願耄念實成繼用  
向有自疆不息實以  
殿御書庚子年鑄古  
稀天子之寶副以猶日孜孜茲以壽躋八旬鑄八徵耄  
念之寶仍副以自疆不息蓋經書中自儆之語雖多而

象首乾法 天行健至  
為切要者無踰於此語

### 啓蹕幸避暑山莊即事

避暑撰良往例循乘輿符望發清晨

每歲幸山莊啓蹕日必來馬常云待

八旬然後乘輿亦遵養之道應爾是以丁未詩有擬屆  
八旬罷鞍馬待亦祇剩三年之句今已符望是以清晨  
即乘肩輿而生身祝慶來諸部

蒙古未出痘者謂之生身今歲西北新舊各蒙古以至哈

薩克因朕八旬大慶胥請偕來祝嘏情殊難却但念其  
中生身者頗多若令其避涼不習水土必致出痘予心  
有所弗忍是以令其由口外行走于七月內  
至山莊行慶宴費以示體恤遠人之至意

麻建八旬無易由逢無曰苟有懷畏滿有增寅山莊待

祖承恩地赤子心仍不失諄

臣等伏惟今歲恭遇

曼壽宮辰中外臚歡莫不情殷慶祝

皇上厘念西北新舊各蒙古及哈薩克多係生身

特命于七月內齊集

避山莊俾得先期展慶就近抒忱茲當撰良

啓蹕即以

惠遠為懷體恤之



思無微不至其屆期燕嚮錫賁諸典詳見典禮門

至避暑山莊即事

露重山田霽曉雲廣仁嶺過意增欣

城隍永額金甌固

熱河自物恬熙井里

皇祖締構山莊以來民

辰歲命升為承德府依祀典創建

城隍廟

孔廟新排

每歲臨幸山莊必先親致辦香以祈保障

石鼓文

熱河既升廳為府增定學額並度地建立文廟至此亦必躬親展謁去冬就冬就太學石鼓

現存三百十字重排十章親製石鼓立于戟門之前因念此處為惠遠詰戎之地亦命于文廟鑄製排列用

以昭武功

行慶今年萃中外

今歲八月大慶自應于京城舉行慶典以遂中外祝

而光文治

八旬萬壽盛典

三十九

嶽之城因念西北新舊各蒙古及哈薩克其中生身者頗多令其由口外行走于七月內至山莊慶賀賀俾才

惓惓

持盈一已盈憂勤髣齡敢忘承

思地

祖訓聰聰尊所聞

登四面雲山亭子

奎章辛卯額垂親誰謂無因却有因

予以康熙辛卯生而亭亦構于是歲

此中夙因  
不可思議  
七月上如七月下

是處為山莊中最高處每歲于七月下旬漸涼爽始

一登之今歲以祝釐外藩來茲者多又以下旬即當啓蹕還宮行慶故于上旬即來登亦佳話也

八旬

亭坐八旬人

去歲登此有共汝行時度八旬之句茲來如踐前言

碧天雲淨懷同

豁素宇風生興亦新遠望山田秀將實時暘若益祝心

寅

避暑山莊迴蹕即事之作

八十初開寶裘新宮中行慶合旋輪

子仰邀壽躋八旬為從古

昊貺

所罕有俯允臣民所請於宮中行慶因于七月迴蹕

鱗瀛列國恩覃遍雁塞生

身宴錫竣

今歲祝嘏安南等國或親身或遣陪臣皆先期至山莊其見愛戴之忱其迓北生身未出

症者合南北諸藩均于山莊錫宴今早啓鑾即即迓北生身者各回本處亦體恤遠人之意也

撫此庥

嘉惟益惕戒其盈滿敢忘寅廣仁嶺名是日雨雨陟原恒事

多稼芄山利是真

迴蹕御園之作

月餘先昔御園返

往年駐蹕山莊於萬壽節後方始行獵九月中旬外乃返御園今年仰沐

吳恩壽登八表禮宜御殿受殿受賀以順羣情旋京較早月餘迺以八旬慶典諧慚

愧德無稱四得盈虛戒有切中懷沿途看穡昨年勝入

苑尋題秋中佳雖是輿情申祝悃微嫌爭美過安排內外

臣工籲請舉行慶典茲自御園至宮沿途排列點綴用申誠悃惟爭為美麗未免嫌其繁費耳

八月十二日進宮行宮旬慶賀禮沿觀內外所備

衢歌巷舞自覺過當因成二律

大慶未教行庚子

庚子七旬未允臣民之請舉行慶典今歲八旬

吳恩優錫寶亦史冊

罕聞如再矯情過却未免阻衆悃忱

吳恩優錫決重臻矯情可再衆誠阻予壽願同萬姓均  
五十五年天地數八旬八月誕生辰憑輿歷覽訝過當  
弗以為愧為愧頻

不惟夾路笙歌沸抑且蔽街樓閣羅增已慚翻心怵惕

幸

天庥賜日晴和

今早進宮沿途羅列景亭競陳歌舞衆

昨日微陰幸今天氣清朗夾道驢歡俱得申慶忭之忱是亦仰荷

天庥也

詎知踵事華如

許昔年恭值

聖母六旬七旬八旬藉博

慈懽

今為予八旬慶典司事者踵事增華殊嫌過當雖經旨諭酌行減儉然好為議論者保無退有後言且予方以不及恭慶

皇

好議論者保無退有後言且予方以不及恭慶

考六旬豈

聖母九旬為憾茲雖羣情難却而覩茲繁費不覺轉益歎懷矣

那免後言滋僣

麼慶典分明成闕典為君難誠語非訛

臣等伏見

萬壽慶辰梯航鱗集由

圓明園至

大內衢歌巷舞介

景臚歡又當玉宇舒晴金風薦爽天人愜洽奔走子  
來十二日恭迎

聖駕還宮自王公卿尹以逮耆庶外暨朝鮮安南琉  
暹羅南掌緬甸各藩服并土司生番等分道班迎  
焚香迎焚焚載道仰觀

天容晬穆深幸萬古以來未有之遭逢而惟以仰承  
睿指不敢過事繁華恭繹

奎章感

天休而惜物力期普仁壽於大同所由

元化滋漉龐鴻交鬯莫不奠親從此億兆坎積而  
至於無有窮紀長得近

天子之光祝

聖人之壽固中外臣庶所共為祝幸者矣



宴坐齋中偶爾成詠

忽度八旬本不期論成四得述衷思人之常也已偶遇  
天獨哉哉衆所知自夏入秋恒栗栗每陰而霽幸時時  
今歲舉行慶典中外臣工誠惻固不可却然自山莊以  
及旋京一切朝儀宴享典禮繁多又由御園往回宮禁  
沿途綴景臚歡未免過于繁費雖早傳旨減徹而勢難  
禁止中設偶遇陰雨不特儀文難整肅物力亦覺可惜  
故自入夏後即已時深惕慮乃月餘以來凡值行慶之  
日先期或值濃陰屆時俱獲開霽至昨廿一日慶典藏  
事百凡可稱順遂今日宴坐回思倍覺  
吳蒼萬  
眷洵非易得於此而不益勵寅恭予心其何忍乎  
諸  
凡順遂諸儀藏宴坐閒吟心益變

古稀六帝三登八所鄙宋梁所慕元

嘗攷三代下帝王壽登古稱者六而

躋八十者惟梁武帝宗高宗元世祖三帝梁宋二帝子所素鄙惟元世一可稱傑出而稱其世次至順帝不過四傳亦未能如予之親見五代元孫是予八旬之壽諸福備膺實為沒古所未聞自惟藐躬受

天鴻貺思

有所以副之者又豈言詞所能宣述耶

惟至元稱一代傑遜乾隆看五世

孫自思

吳貺如何受益惕藐躬不盡言或可丙辰幸歸政希之詎敢必心存

臣等欽惟我

皇上建極敷言久道，化臣等伏見

聖衷延增而純固之

神明愈臻於仁熟義精之境，是以

丹毫闡繹視昔有加焉。茲恭錄為

宸章一門溯自

七旬開衷以來十一載紀年之作，而精微廣大，有美

畢涵臣等既幸遭逢

懿鑠，獲與編摩，尤幸夫

鴻慶備轅

上儀甫輯由是登

期願以行章部先庚後庚循還迭運嗣此

宸藻絕年與時增盛臣等惟當依句續繕更慶自彊  
不息之隆軌焉

八旬萬壽盛典卷四

欽定四庫全書

史部

欽定八旬萬壽盛典卷五之七

詳校官國子監學正臣常循

欽定四庫全書

八旬萬壽盛典卷五

聖德

敬德一

臣等謹按稱天子為聖人昉於華封祝堯三辭而  
帝典一書史臣首紀之曰克明俊德蓋堯之德無  
能名而堯之舜則臣民所共戴而慕焉者巍巍放  
勳立極萬古夫豈徒致壽富多男之頌已乎洪惟  
我

皇上廣運欽承攸好歛錫五十餘載以來

篤膺

昊貺統輯

壽釐惟修德之日覆幸用祇迪寸衷運量天下粵若古

稀六帝亦有登八三君而

年彌高

德彌劬如我

皇上者開闢至今

天子而聖人允兼備而妙前聞焉伏惟

御極既久以

宥密之基命昭恒德之日新凡夫

立政敷言不特在庭在外臣隣欽承親炙即薄海億兆  
亦所共見共聞臣等恭編

盛典推原

致福之由謹約舉十年近事分類以繫用備寔徵曰

敬德以明昭事曰



孝德以美作求曰

健德以著保躬頤性之原曰

勤德以彰省憲誠民之本

仁孚惠而德心式廣

文起化而德教旁流至今

儉勵還淳

謙尊撝吉神明合撰進修日強夫惟

德如天乃

福亦如天惟曰臻於

萬年與天為無極臣民之誌慶寧有量哉

皇上親歲

郊祀乾隆五十五年

聖壽八旬

躬詣

圜丘

方澤

親祀如初

御製庚戌冬至日

南郊大祀禮成述事

庚戌

大祀欽承幸八旬三成拾級陟如循長年人感

昊恩篤仰事子蒙

俯育親昆上樵蒸一元燎和鳴籥咲九鈞申禮竣欲退

難為退度度其能籲

貺頻

御製庚戌夏至

方澤禮成述事

庚戌

厚德資生候一誠執

祀辰

安安蒙貺佑歲歲勗躬親五月符

祥數八旬受

惠身仍祈霈甘澍與物共含仁

先是乾隆四十四年

皇上以越歲庚子正屆

七旬萬壽

定皇子恭代

配壇獻帛爵禮是年十一月初六日奉

上諭朕自踐阼以來恭遇

郊壇大祀一切儀文典禮悉本誠恪之心謹敬將事以期  
昭格歷四十四年如一日弗敢稍有懈怠惟是越歲庚子  
朕春秋已屆七旬雖自信精力如舊凡升降拜獻尚

可弗愆於儀但迎

神進爵儀典繁重若各

壇位前俱仍親詣轉恐過疲生憊於精意或有未孚非所

以展

精禋而答

鴻貺也因思

正位上香獻爵朕必當躬申虔至

列祖

列宗配位上香朕仍親致其獻帛爵諸禮著自今年冬至南郊為始令諸皇子代陳邇年

郊壇大典令諸皇子敬侍觀禮即所以預教之也庶朕稍節起跪之勞一心專於祿薦此非所之敢萌怠念也

會典開載

郊壇之祀原可遣親王恭代敬憶

皇祖聖壽六旬以後因步履少艱

大祀雖

遣官恭代仍於

壇門

莊跪以將誠意今朕幸拜登尚可如常祇期省曲節以壹

志

明禋並非耽安逸而倦於對越凡天下臣民皆可諒朕本

懷卽

上帝

祖



宗亦必鑒朕惓惓且不特此也嗣是而八旬能常如今日而不衰必不敢因年歲屢增於

裡祀稍有或佚如蒙

上蒼眷佑得遂朕之初願至八十六歲歸政惟當始終弗懈以伸朕敬

天法

祖之深衷耳著各該衙門敬遵辦理並通諭中外知之

乾隆五十一年

定於

郊壇讀祝拜位上增脩小幄次一分是年十一月初二日

奉

上諭人君者天之子當以敬天勤民為首務方可以承

昊貺而迓

鴻庥設於對越之事心生懈怠不能敬謹將事是不成其

為

天之子而

昊蒼亦斷不錫之嘉祐也朕臨御五十一年以來恭遇郊壇大祀無不祇肅躬親冬至

南郊親詣五十一次上辛

祈穀親詣四十九次惟乾隆五年及四十九年因躬躬偶爾違和遣皇子親王恭代而當臨祀時一切儀文典禮悉本誠恪之心躬申虔敬以期

昭格近來雖年逾古稀壹志

明禋益勤勿懈是以仰蒙

上蒼鑒朕忱悃得有期頤之壽精神強固猶日孜孜萬幾  
親理

郊祀大典俱能肅將裸獻升降周旋勿愆於儀緬維

上天如此篤眷惟有益懋寅恭豈忍以年壽已高稍耽安  
逸致精意或有未孚朕世世子孫續緒膺圖若能以  
朕之心為心無刻不以敬

天為念於

郊壇大祀嚴恭寅畏盡敬盡誠自亦必仰邀

昊穹眷顧錫以大年寔我大清億萬載無疆之庥倘不能  
凜承朕志永矢虔恭稍愆怠忽即非朕之子孫

天亦斷不錫之以福也向來致祭

郊壇於

壇之二成設有幄次以脩拜跪行禮迎

神上香進爵供胙上

壇行禮畢仍回降至拜次嗣因朕年屆六旬恐精力不能

如前將亞獻終獻飲福受胙諸儀改於

壇上讀祝位次行禮以節登陟之勞仍不致或愆儀節此朕自欲每次躬親祀事是以稍存簡易非敢於

郊祀大典存耽逸之見也惟念將來朕春秋日高誠恐步履或稍遜於前意欲於

壇上讀祝拜位添設小幄次一分俟朕年至八旬即於此內行禮設此二三年內遇風雪沍寒亦可稍資蔽禦如果仰蒙

上天眷佑仍能精力如舊至八旬而不衰尚必照常行禮

所有添設幄次原可脩而不用著軍機大臣會同工部太常寺敬謹詳勘將應添幄次尺寸比二成之幄次收小酌擬呈覽再行脩辦此非朕之敢萌逸念也  
蓋

郊祀大典蠲潔躬承惟期誠意感孚虔申寅恪倘因儀節繁重或至精力不勝勉強將事或令人恭代則於精一凝承之意轉有未盡此後

郊壇大祀朕必歲歲躬行至八十六歲歸政時始終勿懈

以伸朕敬

天法

祖之志我子孫若能繼成無數方可永膺  
洪貺垂裕萬年矣

臣等謹按

郊裡鉅典儀節嚴重

皇上對越寅恭弗懈益虔

壽逾古稀每歲率



親詣無間仰惟

聖壽彌高精神彌固爰議儀節以壹凝承乃

定

配壇代奠之儀仍修

正幕躬承之敬至于讀祝拜位雖

命增幄次備而弗用益見

聖人健孚恒久積萬年而惟矢一誠是以見諸

訓諭及禮成述事歲有詩篇惟以答

鴻庥凝

眷命兢兢業業三致意焉盖

皇上旦明宥密無事不敬以作所而至於篤

穹輿之嘉貺如

父母之不敢言報尤極小心翼翼之忱當夫

恩鑒式憑欽承

昭事恪恭震肅以通誠感其格契者微其迓

禧者所由悠且久歟

欽定四庫全書

八旬萬壽盛典  
卷五

皇上每歲躬舉

祈穀乾隆五十五年

聖壽八旬

親詣行禮如初

御製上辛

祈穀禮成述事

唐戌

百王孰弗萬方臨

帝眷均蒙藐獨深踐昨年臻

天地數銘盤日勗惕乾心八旬敬得承

祀辛五載勤穡歸政欽秋雨雖優冬雪欠春霖冀渥麥  
秧鉞

先是乾隆四十六年

定

祈穀仍用上辛是年正月二十四日奉

上諭本月二十三日禮部具題壬寅各

壇

廟祭祀齋戒日期一本冊內正月十四日次辛祀

祈穀壇所擬甚屬不當天子父

天母

地祇承之義不可稍弛從前雍正七年恭奉

皇考世宗憲皇帝諭旨以定例正月上辛若在初五日以前則改於次辛但元旦朝賀乃朕躬之禮義若因此而展祈穀之期於心寔有未安着于上辛行禮煌煌

聖訓寔屬萬世不刊之論朕御極以來遇正月初三日以

以前上辛因必須隔年齋戒是以改用次辛其有初四日上辛亦改用次辛行禮者則因

聖母皇太后祝釐初祉朕於元辰躬率王公大臣拜賀

東朝儀節不容稍缺至明歲正月初四日上辛並非內年可比矣該部何得亦改次辛況冬至

南郊禮成有於次日受賀者所謂禮緣義起而義以方外尤必敬以直內如為臣下意在尊君不敢輕易朝正令典亦當脩查往例具奏請旨乃禮部遽行題達閣

臣並不細心請旨擬簽必待朕自行看出耶所有禮部堂官著交部嚴加議處大學士等著交部察議至祀典本屬吉禮而上辛

祈穀尤歲首鉅典乃該部必於二十三日具題閣臣亦即於是日呈進朕雖不以此責脩而諸臣踈忽若是可謂不知仰體朕懷矣所有明歲

祈穀行禮仍用上辛並着為令將此通諭中外知之

是年二月初一日奉

上諭禮莫大乎敬

天義莫隆於

郊祀前以禮部具題壬寅年祭祀

壇

廟各日期將

祈穀行禮改用次辛所擬不當已明降諭旨仍用上辛矣

孟孟

祈穀所以迓陽氣而兆農祥考諸經傳蓋指立春以後之



上辛而非元旦以後之上辛雍正年間恭奉

皇考聖諭飭禮臣定議允宜永遠遵守敬思其義若上辛在立春前舉行與乘陽之義未為精當又上辛設在正月初三日以前則當於舊臘隔年齋戒而

太廟祫祭寔為合饗大禮即宮中拜

神亦屬國朝定例若於齋戒期內照舊舉行於專一致敬之道似猶未協其應如何斟酌古今並臻明備並非世遵守可行之處著大學士九卿詳悉妥議具奏是

是年

定詣

壇

祈穀日於

皇乾殿西垣門外降輦步詣二月初三日奉

上諭朕自臨御以來每遇

郊祀大典無不蠲潔躬承四十六年如一日今仰荷

昊蒼眷佑壽逾古稀仍當躬親行禮而一切登降禮儀步

履究覺稍遜於前若遣官恭代非朕勤於躬親昭事  
之初心而勉強將事復于精一凝承之意轉有未盡  
因諭該部前往敬視

祈穀宿齋宮詣

壇瞻拜日降輦處茲據福隆安等奏請擬由

皇乾殿西墻門外降輿較為近便等語應如所奏交各該  
衙門遵照辦理此朕仰體

上天眷愛朕躬長申寅恪之意將來朕子孫續緒

凝庥有壽登古稀者亦可欽承朕志於  
郊壇大祝歲歲躬行率由此典以上邀  
皇天眷顧之隆庶幾無疆惟休永膺  
昊貺垂裕萬年將此通諭中外知之

是年十二月十二日奉

上諭明年元旦係上辛祈穀齋戒日期所有元旦應行  
拈香各處仍親詣行禮初五日陞殿受賀

臣等謹按孟春

祈穀

三大祀之一

皇上斟酌古今折衷禮意仍循

合饗拜神之典朝正之期爰展乘陽之義並昭於以垂定制而

訓方來允億萬年所當恪守臣等恭查乾隆四十五年以後頻歲

親承又若孟夏

常雩禮與

郊禋並重欣逢

壽登大耋

躬莅肅將惟矢誠假以召

天和是以

佑命之統因

日躋之敬而彌篤不特綏豐協順有以徵

大聖人孚感之神云爾也

皇上海歲親祀

社稷壇本年

聖壽八旬

躬詣行禮如初

御製庚戌仲春

社稷壇禮成述事

庚戌

三祭四朝齋

朝日壇  
社稷壇大祀

文廟為中祀致齋二日  
致齋三日今春分丁戊三祭

相連故齋期自初三  
日為始凡四日云

躬親歲禮皆蒙

庥仍健旺致敬敢違乖土穀民之命安和心以懷秋膏  
雖積潤春澤更

祈佳

臣等謹按天子之社為萬方籲福報功我

皇上每遇吉戊祈穰

躬親晉玉歲致精虔本年

壽祉鴻龐時和玉燭登平協奏

履健升馨從來物土兆祥未若茲之



親祈罔懈者也臣等恭編

敬德謹以邇年來

皇上躬承

大祀壹志凝承昭垂定制者載於卷首而若

高齡展恪

中祀一週爰以次臚叙云

八旬萬壽盛典卷五